

四庫全書薈要

• 乾隆御覽本

集部

欽定四庫全書薈要

集部

御選古文淵鑒卷二十三

詳校官侯補通詩經臣郭祚熾

御選古文淵鑒卷二十三目錄

晉

定祀典詔

答司馬孚等詔

開言路詔

答傅玄詔



下郡國巡行詔

藉田詔

聽鄭冲致仕詔

元帝

遺賀循書

周顗辭職詔

明帝

定東宮儀制詔



康帝

答有司請改服御膳詔

穆帝

下王洽詔

簡文帝

百官詔

答殷浩書

羊祜

讓開府表

上平吳疏

杜預

考課略

春秋左氏傳序

荀勗

省吏議

庾峻

論宜敦禮讓表

劉寔

崇讓論

劉頌

刑法疏

劉毅

陳九品八損疏

傅咸

陳世俗奢侈書

上論劾王戎事

李密

陳情表

陳壽

定諸葛亮故事表

虞溥

獎訓諸生誥

張俊

為吳令謝詢求為諸孫置守冢人表

閻纘

陳保傳太孫疏

陸機

辨亡論上

辨亡論下

五等論

劉琨

勸進表

御選古文淵鑒卷二十三目錄

御選古文淵鑒卷二十三

內閣學士兼禮部侍郎教習庶吉士臣徐乾學等奉

旨編注

晉

司馬懿仕魏內夷曹爽外剪王凌政由已出師昭再行放弒啓封晉國昭子炎代魏平吳淝一天下

一傳之後八王樹兵兩都淪沒瑯琊王即位江東遂為東晉自武帝至恭帝元熙二年傳十五世凡

一百五

十五年

武帝

諱炎字安世文帝長子嗣相國晉王位受魏禪稱帝廟號世祖

定祀典詔

泰始元年

昔聖帝明王修五嶽四瀆名山川澤各有定制所以報  
陰陽之功故也然以道蒞天下者其鬼不神其神不傷  
人故祝史薦而無媿辭是以其人敬慎幽冥而淫祀不  
作末世信道不篤僭禮瀆神縱欲祈請曾不敬而遠之  
徒偷以求幸祇妄相煽舍正為邪故魏朝疾之

黃初五  
年詔罷

淫祠其按舊禮具為之制使功著於人者必有其報而祇

淫之鬼不亂其間



答司馬孚等詔

泰始元年武帝既除喪猶深衣素冠降席撤膳太宰司馬孚等

請如舊制

帝答詔

每感念幽冥而不得終苴經於草土以存此痛況當食稻衣錦誠訖然激切其心非所以相解也本諸生家傳禮來久何至一旦便易此情於所天相從已多可試省孔子答宰我之言無事紛紜也言及悲殺奈何奈何

孚等

重奏帝又答詔不許

遂以此禮終三年

開言路詔

泰始二年散騎常侍皇甫陶傅立領諫官上書諫諍有司奏請緩之下詔

凡關言人主人臣所至難而苦不能聽納自古忠臣直士之所慷慨也每陳事出付主者多從深刻乃云恩貸當繇主上是何言乎其詳評議

答傅玄詔

皇甫陶上事欲令賜拜散官皆課使親耕後傅玄上疏言興學親農復理

陶前言

帝答詔

二常侍懇懇於所論可謂乃心欲佐益時事者也而主者率以常制裁之豈得不使發憤耶二常侍所論或舉其大較而未備其條目亦即便令作之然後主者八坐

廣共研精凡關言於人主人臣之所至難而人主苦不能虛心聽納自古忠臣直士之所慷慨至使杜口結舌每念於此未嘗不歎息也故前詔敢有直言勿有所距庶幾得以發蒙補過獲保高位苟言有偏善情在忠益雖文辭有謬誤言語有失得皆當曠然恕之古人猶不拒誹謗況皆善意在可採錄乎近者孔鼂蔡母龢皆接以輕慢之罪所以皆原欲使四海知區區之朝無諱言之忌也

下郡國巡行詔

泰始四年

郡國守相三載一巡行屬縣必以春此古者所以述職  
宣風展義也見長吏觀風俗協禮律考度量存問耆老  
親見百年錄囚徒理冤枉詳察政刑得失知百姓所患  
苦無有遠近便若朕親臨之敦喻五教勸務農功勉勵  
學者思勤正典無為百家庸末致遠必泥士庶有好學  
篤道孝弟忠信清白異行者舉而進之有不孝敬於父  
母不長悌於族黨悖禮棄常不率法令者糾而罪之田

疇闢生業修禮教設禁令行則長吏之能也人窮匱農  
事荒姦盜起刑獄煩下陵上替禮義不興斯長吏之否  
也若長吏在官公廉慮不及私正色直節不飾名譽者  
及身行貪穢諂黷求容公節不立而私門日富者並謹  
察之揚清激濁舉善彈違此朕所以垂拱總綱責成於  
良二千石也於戲戒哉

藉田詔

秦始皇四年有司奏耕祠先  
農可令有司行事下詔

夫國之大事在祀與農是以古之聖王躬耕帝藉止於

數步之中空有慕古之名曾無供祀訓農之實而有百官車徒之費今修千畝之制當與羣公卿士躬稼穡之艱難以率先天下主者詳具其制下河南處田地於東郊之南洛水之北若無官田隨宜便換而不得侵人也於是乘輿御木輅以耕以太牢祀先農

聽鄭冲致仕詔

泰始九年冲就表致仕帝下詔

太傅韞德深粹履行高潔恬遠清虛確然絕世爰服王

事六十餘載

魏文帝為太子冲已為太學自魏建國至此又五十四年

忠肅在公慮

不及私遂應衆舉厯登三事

嘉平三年冲拜司空轉司徒

仍荷保傅

之重

常道鄉公即位拜太保武帝踐阼拜太傅

綢繆論道之任光輔奕世亮

茲天工迪宣謀猷弘濟大烈可謂朝之雋老衆所具瞻

者也朕昧於政道庶事未康挹仰耆訓導揚厥蒙庶賴

顯德緝熙有成而公屢以年高疾篤致仕告退惟從公

志則朕孰與諮謀譬彼涉川罔知攸濟是用未許迄於

累載

冲以疾病為司隸李意中丞侯史光所奏表乞骸骨又上貂蟬印綬俱不許

而高讓彌

篤至意難違覽其盛指俾朕憮然夫功成弗有上德所

隆成人之美君子與焉豈必遂朕憑賴之心以枉大雅  
進止之度哉今聽其所執以壽光公就第位同保傳在  
三司之右公宜頤精養神保衛大和以究遐福其賜几  
杖不朝古之哲王欽祇國老憲行乞言以彌縫其闕若  
朝有大政皆就諮之

又賜安車駟馬第一區錢百萬兩

騎二十人以世子徽為散騎常侍使常優游定

省祿賜所供策命儀制一如舊典而又加焉

元帝

諱睿字景文宣帝曾孫瑯琊恭王觀之子時

王室多故帝用王導計出鎮建業懷慈蒙塵

劉琨勸進遂即

帝位廟號中宗



遺賀循書

循字彥先山陰人爲吳國內史元帝爲鎮東大將軍軍司顧榮卒引循代

之循稱疾篤牋疏十餘上帝乃作此書遺之

夫百行不同故出處道殊因性而用各任其真耳當宇

宙清泰彝倫攸叙隨運所遇動默在已或有遐棲高蹈

輕舉絕俗逍遙養和恬神自足斯蓋道隆人逸勢使其

然若乃時運屯弊主危國急義士救時驅馳拯世燭之

武乘總以入秦

左傳晉秦圍鄭鄭伯使燭之武夜總出見秦君

園綺彈冠而臣

漢

東園公綺里季四皓之二

豈非大雅君子卷舒合道乎虛薄寡德

本備近親謬荷寵位受任方鎮殄服玄風景羨高矩嘗  
願棄結駟之軒軌策柴簞而造門徒有其懷而無從賢  
之實者何良以寇逆殷擾諸夏分崩皇居失御黎元荼  
毒是以日夜憂懷慷慨發憤志在竭節耳前者顧公臨  
朝深賴高算元凱既登巢許獲逸顧榮字彥先此言榮在則循可無出至  
於今日所謂人之云亡晉書作道之云亡邦國殄悴羣望顛顛

實在君侯苟義之所在豈得讓勞居逸想達者亦一以  
貫之也庶稟徽猷以弘遠規今上尚書屈德為軍司謹

遣叅軍沈禎銜命奉授望必屈臨以副傾遲

周顗辭職詔

太興元年立皇太子詔以顗為太子少傅顗疏讓帝下詔

紹幼冲便居儲副之貴當賴軌匠以祛蒙蔽望之儼然  
斯不言之益何學之習邪所謂與田蘇遊忘其鄙心者  
左傳襄七年韓獻子告老公族穆子有廢疾將立之便  
辭曰請立起也與田蘇遊而曰好仁田蘇晉賢人  
當副往意不宜冲讓

明帝

諱紹字道畿元帝長子廟號肅宗

定東宮儀制詔

太寧三年立皇子衍為皇太子下詔

禮無生而貴者故帝元子方之於士而漢魏以來尊崇  
儲貳使官屬稱臣朝臣咸拜此甚無謂吾昔在東宮未  
及啟革今行幼冲之年便臣先達將今日習所見謂之  
自然此豈可以教之耶主者其下公卿內外通議使必  
允禮尚書令卞壺議以為周禮王后太子不會明禮同  
於君所以重儲貳異正嫡宜稽則漢魏闔朝同拜  
從之

康帝

諱岳字世同  
成帝母弟

答有司請改服御膳詔

建元元年

禮之降殺因時而寢興誠有常矣至於君親相準名教之重莫之改也權制之作蓋出近代雖曰適事實弊薄之始先王崇之後世猶怠而况因循又從輕降義弗可矣

穆帝

諱聃字彭子康帝太子廟號孝宗

下王洽詔

字敬和丞相導子時加中書令因讓奏疏十上帝下詔

敬和清裁貴令昔為中書郎吾時尚小數呼見意甚親之今所以用為令既機任須才且欲時時相見共講文

章待以友臣之義而累表固讓甚違本懷其催洽令拜  
洽苦讓  
遂不受

簡文帝

諱昱字道萬元帝  
火于廟號太宗

百官詔

咸安二年三月詔

朕居阿衡三世

穆帝永和元年詔會稽王昱錄尚書六  
條事二年何充年昱遂輔政升平中請

歸政不許  
帝帝英凡三世

不能濟彼時雍乃至海西失德

帝英廢  
為海西

公  
殆傾皇祚賴祖宗靈祇之德皇太后淑體應期藩輔

忠賢百官戮力用能蕩氛霧於昊蒼耀晨輝於宇宙遂

以眇身託於王公之上思賴羣賢以弼其闕夫敦本息  
末抑絕華競使清濁異流能否殊貫官無疵政士無謗  
譴不有懲勸則德禮焉施且彊寇未殄

是時將  
堅方彊

勞役未

息自非軍國戎祀之要其華飾煩費之用皆省之夫肥

遁窮谷之賢泥泥揚波之士

屈原漁父篇舉世皆濁  
何不泥其泥而揚其波雖

抗志玄霄潛默幽岫貪屈高尚之道以隆協贊之美孰

與自足山水棲遲丘壑徇匹夫之絜而忘兼濟之大邪

古人不借賢於曩代朕所以虛想於今日内外百官各

勤所司使善無不達惡無不聞令詩人無素餐之刺而  
吾獲虛心之求焉

答殷浩書

建元初庾冰兄弟及何充等繼卒帝時為會稽王始綜萬機諸哀為浩敬

為建武將軍揚州刺史浩上書陳讓并致牋  
帝帝答之浩頻陳讓自三月至七月乃受拜  
焉

屬當厄運危弊理盡誠賴時有其才不復遠求版築足  
下沉識淹長思綜通練起而明之足以經濟若復深存  
挹退苟遂本懷吾恐天下之事於此去矣今絃領不振



晉網不綱願蹈東海復可得邪由此言之足下去就卽是時之廢興時之廢興則家國不異足下弘思之靜算之亦將有以深鑒可否望必廢本懷率羣情也

羊祜

字叔子泰山南城人鉅平侯征南大將軍開府儀同三司

讓開府表

帝有滅吳之志以祜都督荊州後加車騎將軍開府如三司之儀祜上表

固讓

臣伏聞恩詔拔臣使同台司臣自出身以來適十數年受任外內每極顯重之任常以智力不可頓進恩寵不

可久謬夙夜戰悚以榮為憂臣聞古人之言德未為人  
所服而受高爵則使才臣不進功未為人所歸而荷厚

祿則使勞臣不勸今臣身託外戚

祐景獻皇  
后同產弟

事連運會

誠在過寵不患見遺而猥降發中之詔加非次之榮臣  
有何功可以堪之何心可以安之身辱高位傾覆尋至  
顧守先人弊廬豈可得哉違命誠忤天威曲從即復若  
此蓋聞古人申於見知大臣之節不可則止臣雖小人  
敢緣所蒙念存斯義今天下自服化以來方漸八年雖

側席求賢不遺幽賤然臣不能推有德達有功使聖聰  
知勝臣者多未達者不必假令有道德於版築之下有  
隱才於屠釣之間而朝議用臣不以為非臣處之不以  
為愧所失豈不大哉臣忝竊雖久未若今日兼文武之  
極寵等宰輔之高位也且臣雖所見者狹據今光祿大  
夫李憲執節高亮在公正色光祿大夫魯芝潔身寡欲  
和而不同光祿大夫李侑清亮簡素立身在朝皆服事  
華髮以禮終始雖厯位外內之寵不異寒賤之家而猶

未蒙此選臣更越之何以塞天下之望必益日月是以  
誓心守節無苟進之志今道路未通方隅多事乞留前  
恩使臣得速還屯不爾留連必於外虞有闕匹夫之志  
有不可奪帝不聽

上平吳疏

祐以伐吳必藉上流之勢會益州刺史王濬徵為大司農祐知其可任因

表留濬密令修舟楫為順流之計  
祐繕甲訓卒廣為戎備乃上疏

先帝順天應時西平巴蜀南和吳會海內得以休息兆  
庶有樂安之心而吳復背信使邊事更興夫期運雖天

所授而功業必繇人而成不一大舉掃滅則衆役無時  
得安非所以隆先帝之勲成無為之化也故堯有丹水  
之伐舜有三苗之征咸以寧靜宇宙戢兵和衆者也蜀  
平之時天下皆謂吳當并亡自此來十三年是謂一周  
平定之期復在今日矣議者常言吳楚有道後服無禮  
先強此乃諸侯之時耳當今一統不得與古同論夫適  
道之論皆未應權是故謀之雖多而決之欲獨凡以險  
阻得存者謂所敵者同力足自固苟其輕重不齊強弱

異勢則智士不能謀而險阻不可保也蜀之為國非不險也高山尋雲霓深谷肆無景束馬懸車然後得濟皆言一夫荷戟十人莫當及進兵之日曾無藩籬之限斬將擐旗伏尸數萬乘勝席卷徑至成都漢中諸城皆烏棲而不敢出非皆無戰心誠力不足相抗至劉禪降服諸營堡者索然俱散今江淮之難不過劍閣山川之險不過岷漢孫皓之暴侈於劉禪吳人之困甚於巴蜀而大晉兵衆多於前世資儲器械盛於往時今不於此平

吳而更阻兵相守征夫苦役日尋干戈經歷盛衰不可  
長久宜當時定以一四海今若引梁益之兵水陸俱下  
荆楚之衆進臨江陵平南豫州直指夏口徐揚青兗並  
向秣陵鼓旆以疑之多方以誤之以一隅之吳當天下  
之衆勢分形散所備皆急巴漢奇兵出其空虛一處傾  
壞則上下震蕩吳緣江為國無有內外東西數千里以  
藩籬自持所敵者大無有寧息孫皓恣情任意與下多  
忌名臣重將不復自信是以孫秀之徒皆畏逼而至將

疑於朝士困於野無有保世之計一定之心平常之日  
猶懷去就兵臨之際必有應者終不能齊力致死已可  
知也其俗急速不能持久弓弩戟楯不如中國唯有水  
戰是其所便一入其境則長江非復所固還保城池則  
去長入短而官軍懸進人有致節之志吳人戰於其內  
有馮城之心如此軍不踰時尅可必矣

祐卒二歲而吳  
平羣臣上壽帝

流涕曰此羊太傅之功也  
因以尅定之功策告祐廟

杜預

字元凱京兆杜陵人鎮南  
大將軍位特進封當陽侯



考課略

秦始皇中預受詔為  
趙陟之課其略曰

臣聞上古之政因循自然虛已委誠而信順之道應神  
感心通而天下之理得逮至淳樸漸散彰美顯惡設官  
分職以頒爵祿弘宣六典以詳考察然猶倚明哲之輔  
建忠貞之司使名不得越功而獨美功不得後名而獨  
隱皆疇咨博詢敷納以言及至末世不能紀遠而求於  
密微疑諸心而信耳目疑耳目而信簡書簡書愈繁官  
方愈偽法令滋章巧飾彌多昔漢之刺史亦歲終奏事

不制算課而清濁粗舉魏氏考課即京房之遺意其文可謂至密然繇於累細以違其體故歷代不能通也豈若申唐堯之舊去密就簡則簡而易從也夫宣盡物理神而明之存乎其人去人而任法則以傷理今科舉優劣莫若委任達官各考所統在官一年以後每歲言優者一人為上第劣者一人為下第因計偕以名聞如此六載主者總集採案其六歲處優舉者超用之六歲處劣舉者奏免之其優多劣少者叙用之劣多優少者左

遷之今考課之品所對不鈞誠有難易若以難取優以  
易而否主者固當準量輕重微加降殺不足復曲以法  
盡也已丑詔書以考課難成聽通薦列薦例之理即亦  
取於風聲六年頓薦黜陟無漸又非古者三考之意也  
今每歲一考則積優以成陟累劣以取黜以士君子之  
心相處未有官五六年六黜清能六進否劣者也監司  
將亦隨而彈之若令上下公相容過此為清議大頽亦  
無取於黜陟也

春秋左氏傳序

預耽思經籍為春秋左氏經傳集解參考衆家譜第謂之釋例

又作盟會圖春秋長厯備成一家之學比老乃成

春秋者魯史記之名也記事者以事繫日以日繫月以月繫時以時繫年所以紀遠近別同異也故史之所記必表年以首事年有四時故錯舉以為所記之名也周

禮有史官掌邦國四方之事達四方之志

周禮春官屬小史掌邦國

之志內史讀四方之事外史掌四方之志達書名於四方

諸侯亦各有國史大事書

之於策小事簡牘而已

大竹曰策小竹曰簡木版為牘

孟子曰楚謂之

禱杭晉謂之乘而魯謂之春秋其實一也韓宣子適魯見易象與魯春秋曰周禮盡在魯矣吾乃今知周公之德與周之所以王也

見左傳昭二年

韓子所見蓋周之舊典禮

經也周德既衰官失其守上之人不能使春秋昭明赴

告策書

崩薨曰赴禍福曰告

諸所記注多違舊章仲尼因魯史策

書成文考其真偽而志其典禮上以遵周公之遺制下以明將來之法其教之所存文之所害則刊而正之以示勸戒其餘則皆即用舊史史有文質辭有詳畧不必

改也故傳曰其善志又曰非聖人孰能修之蓋周公之志仲尼從而明之左丘明受經於仲尼以為經者不刊之書也故傳或先經以始事或後經以終義或依經以辨理或錯經以合異隨義而發其例之所重

例即下五例也舊

史遺文略不盡舉非聖人所修之要故也身為國史

漢書

藝文志左丘明為魯史

躬覽載籍必廣記而備言之其文緩其旨

遠將令學者原始要終尋其枝葉究其所窮優而柔之使自求之饜而飫之使自趨之若江海之浸膏澤之潤

渙然冰釋怡然理順然後為得也其發凡以言例

左傳中發

凡言例有五十條皆以凡字發明類例

皆經國之常制周公之垂法史書

之舊章仲尼從而修之以成一經之統體其微顯闡幽

裁成義類者皆據舊例而發義指行事以正褒貶諸稱

書不書先書故書不言不稱書曰之類

發義有此七類

皆所以

起新舊發大義謂之變例

發凡是周公舊例七類是仲尼變例

然亦有史

所不書即以為義者此蓋春秋新意故傳不言凡曲而

暢之也其經無義例因行事而言則傳直言其歸趨而

已非例也故發傳之體有三

發凡正例一也新意變例二也直言歸趨三也

而

為例之情有五一日微而顯文見於此而義起於彼稱

族尊君命舍族尊夫人

成十四年傳

梁亡

僖十九年經

城緣陵

僖十

四年之類是也二曰志而晦約言示制推以知例參會

不地

桓二年傳參七南反

與謀曰及

宣七年傳與音預

之類是也三曰

婉而成章曲從義訓以示大順諸所諱辟

春秋以諱國惡為禮多有

諱避而不直述其事者

壁假許田

桓元年經

之類是也四曰盡而不汙

汙於俱反

直書其事具文見意丹楨

莊二十三年經

刻桷

莊二十四年經

天



王求車

桓十五年經

齊侯獻捷

莊三十一年經

之類是也五曰懲惡

而勸善求名而亡欲盖而章書齊豹盜

昭二十三年經

三叛人

名

襄二十一年都庶共昭五年  
莒年夷昭三十一年都黑肱

之類是也推此五體以

尋經傳觸類而長之附於二百四十二年行事

春秋始  
隱公元

年終於獲麟凡  
二百四十二年

王道之正人倫之紀備矣或曰春秋以

錯文見義若如所論則經當有事同文異而無其義也

先儒所傳皆不其然答曰春秋雖以一字為褒貶然皆

須數句以成言非如八卦之爻可錯綜為六十四也固

當依傳以為斷古今言左氏春秋者多矣今其遺文可見者十數家大體轉相祖述進不成為錯綜經文以盡其變退不守丘明之傳於丘明之傳有所不通皆沒而不說而更膚引公羊穀梁適足自亂預今所以為異專修丘明之傳以釋經經之條貫必出於傳傳之義例總歸諸凡推變例以正褒貶簡二傳而去異端蓋丘明之志也其有疑錯則備論而闕之以俟後賢然劉子駿創通大義賈景伯父子許惠卿皆先儒之美者也

子駿劉歆字景

伯賈達字達父名微受業於劉歆作春秋條末有穎子  
例達作左傳訓詁惠卿許淑字治左氏春秋

嚴者

子嚴名容

雖淺近亦復名家故特舉劉賈許穎之達以

見同異分經之年與傳之年相附比其義類各隨而解  
之名曰經傳集解又別集諸例及地名譜第歷數相與  
為部凡四十部十五卷皆顯其異同從而釋之名曰釋  
例將令學者觀其所聚異同之說釋例詳之也或曰春  
秋之作左傳及穀梁無明文說者以為仲尼自衛反魯  
修春秋立素王丘明為素臣言公羊者亦云黜周而王

魯

何休注公羊傳於隱公元年曰唯王者然後改元危立號春秋托新王受命於魯此黜周王魯之說也

行言孫以辟當時之害故微其文隱其義公羊經止獲麟而左氏經終孔丘卒敢問所安答曰異乎余所聞仲尼曰文王既沒文不在茲乎此制作之本意也歎曰鳳鳥不至河不出圖吾已矣夫蓋傷時王之政也麟鳳五靈王者之嘉瑞也今麟出非其時虛其應而失其歸此聖人所以為感也絕筆於獲麟之一句者所感而起固所以為終也曰然則春秋何始於魯隱公答曰周平王

東周之始王也隱公讓國之賢君也考乎其時則相接  
言乎其位則列國本乎其始則周公之祚脩也若平王  
能祈天永命紹開中興隱公能弘宣祖業光啟王室則  
西周之美可尋文武之迹不隊是故因其厯數附其行  
事采周之舊以會成王義垂法將來所書之王即平王  
也所用之厯即周正也所稱之公即魯隱也安在其黜  
周而王魯乎子曰如有用我者吾其為東周乎此其義  
也若夫制作之文所以章往考來情見乎辭言高則旨

遠辭約則義微此理之常非隱之也聖人包周身之防  
既作之後方復隱諱以辟患非所聞也子路欲使門人  
為臣孔子以為欺天而云仲尼素王丘明素臣又非通  
論也先儒以為制作三年文成致麟既已妖妄又引經  
以至仲尼卒亦又近誣據公羊經止獲麟而左氏小邾  
射亦不在三叛之數

京十四年小邾射來奔事在獲麟後不列三叛人之數則知經止于

孔立卒者証也

故余以為感麟而作作起獲麟則文止於所起

為得其實至於反袂拭面稱吾道窮

公羊傳孔子聞獲麟反袂拭面泣涕

沾袍曰吾亦無取焉  
道窮矣

荀勗

字公曾潁陰人光祿大夫守尚書令

省吏議

時議省州郡縣半吏以赴農功勗議

省吏不如省官省官不如省事省事不如清心昔蕭曹相漢載其清靜致畫一之歌此清心之本也漢文垂拱幾致刑措此省事也光武并合吏員縣官國邑裁置十  
一此省官也魏太和中遣王人四出減天下吏員正始  
中亦并合郡縣此省吏也今必欲求之於本則宜以省

事為先凡居位者使務思蕭曹之心以翼佐大化篤義  
行崇敦睦使昧寵忘本者不得容而偽行自息浮華者  
懼矣重敬讓尚止足令賤不妨貴必不陵長遠不間親  
新不間舊小不加大淫不破義則上下相安遠近相信  
矣位不可以進超得譽不可以朋黨求則是非不妄而  
明官人不惑於聽矣去奇技抑異說好愛舊以儆非常  
之利者必加其誅則官業有常人心不遷矣事留則政  
稽政稽則功廢處位者而孜孜不急奉職司者而夙夜



不懈則雖在挈瓶而守不假器矣

挈瓶汲者言雖挈瓶之小然為人守器猶

知不以假人見左傳

使信若金石小失不害大政忍忿悁以容之

簡文案略細苛令之所施必使人易視聽顧之如陽春  
畏之如雷震勿使微文煩撓為百吏所黷二三之命為  
百姓所厭則吏竭其誠下悅上命矣設官分職委事責  
成君子心競而不力爭量能受任思不出位則官無異  
業政典不奸矣凡此皆愚所謂省事之本也苟無此愆  
雖不省吏天下必謂之省矣若欲省官私謂九寺可并

於尚書蘭臺宜省付三府然施行歷代世之所習是以  
久抱愚懷而不敢言至於省事實以為善若直作大例  
皆減其中恐文武衆官郡國職業及事之興廢不得皆  
同凡發號施令典而當則安儻有駁者或至壅否凡職  
所臨履先精其得失使忠信之官明察之長各裁其中  
先條上言之然後混齊大體詳宜所省則令下必行不  
可搖動如其不爾恐適惑人聽比前行所省皆須臾輒  
復或激而滋繁亦不可不重

庾峻

字山甫潯川鄆陵人仕魏侍御史入晉賜爵關中侯歷御史中丞侍中

論宜敦禮讓表

峻以御史中丞拜侍中加陳議大夫是時風俗趨競禮教陵遲

峻上疏

臣聞黎庶之性人衆而賢寡設官分職則官寡而賢衆  
為賢衆而多官則妨化以無官而棄賢則廢道是故聖  
王之御世也因人之性或出或處故有朝廷之士又有  
山林之士朝廷之士佐主成化猶人之有股肱心膂共  
為一體也山林之士被褐懷玉太上棲於丘園高節出

於衆庶其次輕爵服遠恥辱以全志最下就列位惟無功而能知止彼其清劬足以抑貪汙退讓足以息鄙事故在朝之士聞其風而悅之將受爵者皆恥躬之不逮斯山林之士避寵之臣所以為美也先王喜之節雖離世而德合於主行雖詭朝而功同於政故大者有玉帛之命其次有几杖之禮以厚德載物出處有地既廊廟多賢才而野人亦不失為君子此先王之弘也秦塞斯路利出一官唯有處士之名而無爵列於朝者商君謂

之六竭韓非謂之五蠹

商鞅著商子二十九篇韓非作孤憤五蠹說難十餘萬言文心

離龍云商韓之六風五蠹

時不知德惟爵是聞故閭閻以公乘

爵二第十第

八曰侮其鄉人郎中以上爵傲其父兄漢祖反之大暢

斯否任蕭曹以天下重四皓

東園公綺里季夏黃公角里先生

於南山

以張良之勲而班在叔孫

叔孫通

之後蓋公之賤而曹相

諂之以政

膠西有蓋公治黃老言曹參使人厚幣請之蓋公為言治道貴清靜而民自定

帝王

貴德於上俗亦反本於下故田叔等十人漢廷臣無能

出其右者

田叔為人廉直喜任俠宣平侯乃進言叔等十人上召見與語漢廷臣無能出其右者盡

拜為郡守  
諸侯相

而未嘗干祿於時以釋之之貴結王生之機

於朝而其名愈重

王生者善為黃老言嘗召居廷中公卿盡會立王生顧謂釋之為我結讎

釋之跪而結之人或讓王生王生曰吾老且賤廷尉方天下名臣故卿使結讎欲以重之諸公莫不賢王生而重釋之

自非主臣尚德兼愛孰能通天下之志如此其大

者乎夫不革百王之弊徒務救世之政文士競智而務入武夫恃力而爭先官高矣而意未滿功報矣其求不已又國無隨才任官之制俗無難進易退之恥位一高雖無功而不見下已負敗而後見用故因前而升則處

士之路塞矣又仕者黜陟無章是以普天之下先競而後讓舉世之士有進而無退大人溺於動俗報政撓於羣言衡石為之失平清濁安可復分昔者先王患向之所以取天下者今之為弊是故功成必改其物業定必易其教雖以爵祿使下臣無貪陵之行雖以甲兵定功主無窮武之悔也臣愚以為古者大夫七十懸車今自非元功國老三司上才可聽七十致仕則士無懷祿之嫌矣其父母八十可聽終養則孝莫大於事親矣吏歷

試無績依古終身不仕則官無秕政矣能小而不能大  
可降還蒞小則使人以器矣人主進人以禮退人以禮  
人臣亦量能受爵矣其有孝如王陽臨九折而去官

王陽

為益州刺史行部至邛郯九折阪歎曰  
奉先人遺體奈何數乘此險後以病去  
潔如貢禹冠一

免而不著

貢禹為河南令以職事為府官所責免  
冠謝禹曰冠一免安復可冠也遂去官

及知

止如王孫

楊王孫學黃老  
之術遺令贏葬

知足如疏廣

地節三年立皇  
子選疏廣為少

傅已而進太傅廣兄子受亦為太子家令廣謂受曰  
吾聞知足不辱知止不殆即日父子俱移病告歸  
雖

去列位而居東野與人父言依於慈與人子言依於孝



此其出言合於國檢危行彰於本朝去勢如脫屣路人  
為之隕涕辭寵如金石庸夫為之興行是故先王許之  
而聖人貴之夫人之性陵上猶水之趣下也益而不已  
必決升而不已必困始於匹夫行義不敦終於皇輿為  
之敗績固不可不慎也下人并心進趣上宜以退讓去  
其甚者退讓不可以刑罰使莫若聽朝士時時從志山  
林徃徃間出無使入者不能復出徃者不能復反然後  
出處交泰提衡而立時靡有爭天下可得而化矣

劉寔

字子真平原高唐人魏時以吏部郎叅文帝相國軍事元康初進爵為侯九年策拜司空

連太保

轉太傅

崇讓論

定以世多進趣廉遜道  
閔乃著崇讓論以矯之

古之聖王之化天下所以貴讓者欲以出賢才息爭競也夫人情莫不欲己之賢也故勸令讓賢以自明賢也豈假讓不賢哉故讓道興賢能之人不求而自出矣至公之舉自立矣百官之副亦豫具矣一官缺擇衆官所讓最多者而用之審之道也在朝之士相讓於上草廬

之人咸皆化之推賢讓能之風從此生矣為一國所讓  
則一國士也天下所共推則天下士也推讓之風行則  
賢與不肖灼然殊矣孔子曰能以禮讓為國則不難也  
在朝之人不務相讓久矣天下化之自魏代以來登進  
辟命之士及在職之吏臨見受叙雖自辭不能終莫肯  
讓有勝已者夫推讓之風息爭競之心生孔子曰上興  
讓則下不爭明讓不興下必爭也推讓之道興則賢能  
之人日見推舉爭競之心生則賢能之人日見謗毀夫

爭者之欲自先甚惡能者之先不能無毀也故孔墨不能免世之謗已況不及孔墨者乎能否混雜優劣不分士無素定之價官職有缺主選之吏不知所用但案官次而舉之向今天下貴讓士必由於見讓而後成名名成而官乃得用之諸名行不立之人在官無政績之稱讓之者必無矣官無因得而用之也所以見用不息者由讓道廢因資用人之有失久矣昔齊王好聽竽聲必令三百人合吹而聽之廩以數人之俸南郭先生不知

吹竽者也以三百人合吹可以容其不知固請為王吹  
竽虛食數人之俸嗣王覺而改之乃下令曰吾之好聞  
竽聲有甚於先王欲一列而聽之先生於此逃矣

韓子

云齊宣王使人吹竽必三百人齊吹南郭先生不善竽而濫於三百之中食祿宣王死湣王立好一一聽之先生乃推賢之風不立濫舉之法不改則南郭先生之徒

盈於朝矣夫讓道不興之弊非徒賢人在下位不得時  
進也國之良臣荷重任者亦將以漸受罪退矣何以知  
其然也孔子以為顏氏之子不貳過耳明非聖人皆有

過寵貴之地欲之者多矣惡賢能者塞其路其過而毀之者亦多矣夫謗毀之生非徒空設必因人之微過而甚之者也毀謗之言數聞在上者雖欲不納不能不仗所聞而微察之也無以其驗至矣得其驗安得不理其罪若知而縱之主之威日衰令之不行自此始矣知之皆理之受罪退者稍多大臣有不自固之心夫賢才不進貴臣日疎此有國者之深憂也詩曰受祿不讓至於已斯亡不讓之人憂亡不暇而望其益國朝不亦難乎

竊以為改此俗甚易耳何以知之夫一時在官之人其中賢明者亦多矣豈皆不知讓賢為貴直以其時皆不讓習以成俗故遂不為耳人臣初除皆通表上聞名之謝章所由來尚矣原謝章之本意欲進賢能以謝國恩昔舜以禹為司空禹拜稽首讓於稷契及咎繇使益為虞官讓於朱虎熊羆使伯夷典三禮讓於夔龍唐虞之時衆官初除莫不皆讓也謝章之義蓋取於此書記之者欲以永世作則李世所用不賢不能讓賢虛謝見用

之恩而已相承不變習俗之失也夫叙用之官得通章  
表者其讓賢推能乃通其不能有所讓徒費簡紙者皆  
絕不通人臣初除各思推賢能而讓之矣讓之文付主  
者掌之三司有缺擇三司所讓最多者而用之此為一  
公缺三公已豫選之矣且主選之吏不必任公而選三  
公不如令三公自共選一公為詳也四征缺擇四征所  
讓最多者而用之此為一征缺四征豫選之矣必詳於  
停缺而令主者選四征也尚書缺擇尚書所讓最多者



而用之此為八尚書共選一尚書詳於臨缺令主者選  
八尚書也郡守缺擇衆郡所讓最多者而用之詳於任  
主者令選百郡守也夫以衆官百郡之讓與主者共相  
比不可同歲而論也賢愚皆讓百姓耳目盡為國耳目  
夫人情爭則欲毀已所不知讓則競推於勝已故世爭  
則毀譽交錯優劣不分難得而讓也時讓則賢智顯出  
能否之美厯厯相次不可得而亂也當此時也能退身  
修已者讓之者多矣雖欲守貧賤不可得也馳騫進趣

而欲人見讓猶却行而求前也夫如此愚智咸知進身  
求通非修之於已則無繇矣游外求者於此相隨而歸  
矣浮聲虛論不禁而自息矣人人無所用其心任衆人  
之議而天下自化矣春秋傳曰范宣子讓其下皆讓樂  
厲雖汰弗敢違也晉國以平數世賴之

見左傳襄公十三年

在朝

君子典選大官能不以人廢言舉而行之各以讓賢舉  
能為先務則羣才猥出能否殊別蓋世之功莫大於此

劉頌

字子雅廣陵人世為名族歷官吏部尚書光祿大夫謚曰貞

刑法疏

惠帝時政出羣下各立私情刑法不定故上疏云

自近世以來法漸多門令甚不一臣今備掌刑斷職思其憂謹具啓聞臣竊伏惟陛下為政每盡善故事求曲當則例不得直盡善故法不得全何則上求盡善則諸下牽文就意以赴主之所許是以法不得全刑書徵文徵文必有乖於情聽之斷而上安於曲當故執平者因文可引則生一端是法多門令不一則吏不知所守下不知所避姦偽者因法之多門以售其情所欲淺深苟

斷不一則居上者難以檢下於是事同議異獄犴不平  
有傷於法古人有言人主詳其政荒人主期其事理詳  
匪他盡善則法傷故其政荒也期者輕重之當雖不厭  
情苟入於文則佞

狠本字

而行之故其事理也夫君臣之

分各有所司法欲必奉故令主者守文理有窮塞故使  
大臣釋滯事有時宜故人主權斷主者守文若釋之執

犯蹕之卒也

漢文帝行出中渭橋一人從橋下走出乘輿馬驚廷尉張釋之奏當罰金帝怒釋之

曰法者天子所與天下公共也今法如此而更重之是法不信於民也

大臣釋滯若公孫

弘斷郭解之獄也

郭解害殺人吏奏解無罪公孫弘議曰解布衣為任俠行權雖弗知此罪

甚於解殺之遂族解載游俠傳

人主權斷若漢祖戮丁公之為也

丁公為項

羽將逐害漢高帝於彭城帝顧曰兩賢豈相厄哉丁公乃還及定天下帝以徇軍中曰丁公為臣不忠遂斬之

天下萬事自非斯格不得以意妄議其餘皆以律令從事然後法信於下人聽不惑吏不容奸可以言政人主軌斯格以責羣下大臣小吏各守其局則法一矣夫人君所與天下共者法也已令四海不可以不信以為教方求天下之不慢不可繩以不信之法上古議事以制

不為刑辟夏殷及周書法象魏三代之君齊聖然咸棄  
曲當之妙鑒而任徵文之直準非聖有殊所遇異也今  
論時敦弊不及中古而執平者欲適情之所安自託於  
議事以制臣竊以為聽言則美論理則違然天下至大  
事務衆雜時有不得悉循文如令故臣謂宜立格為限  
使主者守大死生以之不敢錯思於成制之外以差輕  
重則法恒全事無正據名例不及大臣論當以釋不滯  
則事無闕同疑至如非常之斷出法賞罰若漢祖殘楚臣

即丁之私已封趙士之無功

陳豨反帝令選趙壯士可將者四人封各千戶以爲

將左右蒙曰封此何功帝曰趙代地皆豨有吾何愛四千戶不以慰趙子弟

唯人主專之非

奉職之臣所得擬議然後情求傍請之蹟絕似是而非之奏塞此蓋齊法之大準也夫出法權制指施一事厭情合聽可適耳目誠有臨時當意之快勝於徵文不允人心也然起為經制終年施用恒得一而失十故小有所得者必大有所失近有所漏者必遠有所苞故諳事識體者善權輕重不以小害大不以近妨遠忍曲當之

近適以全簡直之大準不牽於凡聽之所安必守徵文以正例每臨其事恒御此心以決斷此又法之大槩也又律法斷罪皆當以法律令正文若無正文依附名例斷之其正文名例所不及皆勿論法吏以上所執不同得為異議如律之文守法之官唯當奉用律令至於法律之內所見不同乃得為異議也今限法曹郎令史意有不同為駁唯得論釋法律以正所斷不得援求諸外論隨時之宜以明法官守局之分



劉毅

字仲雄東萊拔人尚書左僕射

陳九品八損疏

魏尚書陳羣立九品官人法毅以為權時之制未見得人而有

八損乃

上疏

臣聞立政者以官才為本官才有三難而興替之所由也人物難知一也愛憎難防二也情偽難明三也今立中正定九品高下任意榮辱在手操人主之威福奪天朝之權勢愛憎決於心情偽由於已公無考校之負私無告訐之忌用心百態求者萬端廉讓之風滅苟且之

俗成天下訥訥但爭品位不聞推讓竊為聖朝恥之夫  
名狀以當才為清品輩以得實為平安危之要不可不  
明清平者政化之美也枉濫者亂敗之惡也不可不察  
然人才異能備體者寡器有大小達有早晚前鄙後修  
宜受日新之報抱正違時宜有質直之稱度遠闕小宜  
得殊俗之狀任直不飾宜得清實之譽行寡才優宜獲  
器任之用是以三仁殊塗而同歸四子異行而均義陳  
平韓信笑海於邑里而收功於帝王屈原伍胥不容於

人主而顯名於竹帛是篤論之所明也今之中正不精才實務依黨利不均稱尺務隨愛憎所欲與者獲虛以成譽所欲下者吹毛以求疵高下逐強弱是非由愛憎隨世興衰不顧才實衰則削下興則扶上一人之身旬日異狀或以貨賂自通或以計協登進附託者必違守道者困悴無報於身必見割奪有私於己必得其欲是以上品無寒門下品無勢族暨時有之皆曲有故慢主罔時實為亂源損政之道一也置州都者取州里清議

咸所歸服將以鎮異同一言議不謂一人之身了一州之才一人不審便坐之若然自仲尼以上至於庖犧莫不有失則皆不堪何獨責於中人者哉若殊不修自可更選今重其任而輕其所立品格還訪刁攸攸非州里之所歸非職分之所置今訪之歸正於所不服決事於所不職以長讒構之源以生乖爭之兆似非立都之本旨理俗之深防也

刁攸不知所考當是小吏參管銓序或是臺中郡令史輩

王者

既善刁攸攸之所下而復選以二千石已有數人劉良

上攸之所下石公罪攸之所行駁違之論橫於州里嫌  
讐之隙結於大臣夫桑妾之訟禍及吳楚鬪難之變難

興魯邦

史記吳邊邑卑梁與楚鍾離小童爭桑兩家相  
攻滅卑梁人卑梁大夫怒攻鍾離楚王聞之怒

發兵滅卑梁吳王大怒亦發兵滅鍾離左傳昭二十五年  
季師之難鬪季氏介其難郈昭伯怨平子謀去季氏

孟氏執郈昭伯遂  
伐公公孫于齊

況乃人倫交爭而部黨興刑獄滋生

而禍根結損政之道二也本立格之體將謂人倫有序  
若貫魚成次也為九品者取下者為格謂才德有優劣  
倫輩有首尾今之中正務自遠者則抑割一國使無上

人穢劣下比則拔舉非次并容其身公以為格坐成其

私君子無小人之怨官政無繩姦之防使得上欺明主

下亂人倫乃使優劣易地首尾倒錯措

一作推

貴異之器

使在凡品之下負戴不肖越在成人之首損政之道三

也陛下踐祚開天地之德弘不諱之詔納忠直之言以

覽天下之情太平之基不世之法也然賞罰自王公以

至於庶人無不加法置中正委以一國之重無賞罰之

防人心多故清平者寡故怨訟者衆聽之則告訐無已

禁絕則侵枉無極與其理訟之煩猶愈侵枉之害今禁  
訟訴則杜一國之口培一人之勢使得縱橫無所顧憚  
諸受枉者抱怨積直獨不蒙天地無私之德而長壅蔽  
於邪人之銓使上明不下照下情不上聞損政之道四  
也昔在前聖之世欲敦風俗鎮靜百姓隆鄉黨之義崇  
六親之行禮教庠序以相率賢不肖於是見矣然鄉老  
書其善以獻天子司馬論其能以官於職有司考績以  
明黜陟故天下之人退而修本州黨有德義朝廷有公

正浮華邪佞無所容厝今一國之士多者千數或流徙異邦或取給殊方面猶不識況盡其才力而中正知與不知其當品狀米譽於臺府納毀於流言任已則有不識之蔽聽受則有彼此之偏所知者以愛憎奪其平所不知者以人事亂其度既無鄉老紀行之譽又非朝廷考績之課遂使進官之人棄近求遠背本逐末位以求成不由行立品不校功黨譽虛妄損政五也凡所以立品設狀者求人才以理物也非虛飾名譽相為好醜雖



孝悌之行不施朝廷故門外之事以義斷恩既以在官  
職有大小事有劇易各有功報此人才之實效功分之  
所得也今則反之於限當報雖職之高還附卑品無績  
於官而獲高叙是為抑功實而隆虛名也上奪天朝考  
績之分下長浮華朋黨之士損政六也凡官不同事人  
不同能得其能則成失其能則敗今品不狀才能之所  
宜而以九等為例以品取人或非才能之所長以狀取  
人則為本品之所限若狀得其實猶品狀相妨繫繫選

舉使不得精於才宜況今九品所疏則削其長所親則飾其短徒結白論以為虛譽則品不料能百揆何以得理萬機何以得修損政七也前九品詔書善惡必書以為褒貶當時天下必有所忌今之九品所下不彰其罪所上不列其善廢褒貶之義任愛憎之斷清濁同流以植其私故反違前品大其形勢以驅動衆人使必歸已進者無功以表勸退者無惡以成懲懲勸不明則風俗汙濁天下人焉得不解德行而銳人事損政八也由此

論之選中正而非其人授權勢而無賞罰或缺中正而無禁檢故邪黨得肆枉濫縱橫雖職名中正實為姦府事名九品而有八損或恨結於親親猜生於骨肉當身困於敵讐子孫離其殃咎斯乃厯世之患非徒當今之害也是以時主觀時厯法除姦消亂靡有常則故周因於殷有所損益至於中正九品上聖古賢皆所不為豈蔽於此事而有不周哉將以政化之宜無取於此也自魏立以來未見其得人之功而生讐薄之累毀風敗俗

無益於化古今之失莫大於此愚臣以為宜罷中正除九品棄魏氏之弊法立一代之美制

疏奏優詔答之後司空衛瓘等亦共

表宜省九品復古鄉議里選帝竟不施行

傅咸

字長虞北地泥陽人司隸校尉

陳世俗奢侈書

臣以為穀帛難生而用之不節無緣不匱故先王之化天下食肉衣帛皆有其制竊謂奢侈之費甚於天災古者堯有茅茨今之百姓競豐其屋古者臣無玉食今之

賈豎皆厭梁肉古者后妃乃有殊飾今之婢妾被服綾羅古者大夫乃不徒行今之賤隸乘輕驅肥古者人稠地狹而有儲蓄繇於節也今者土廣人稀而患不足繇於奢也欲時之儉當詰其奢奢不見詰轉相高尚昔毛玠為吏部尚書時無敢好衣美食者魏武帝歎曰孤之法不如毛尚書令使諸部用心各如毛玠風俗之移在不難矣

上論劾王戎事

時僕射王戎兼吏部咸奏戎掌選舉不能謚靜風俗開張浮競

請免戎官御史中丞解結以成  
勅戎為越局使官咸復論之

按令御史中丞督司百僚皇太子以下其在行馬內有  
違法憲者皆彈糾之雖在行馬外而監司不糾亦得奏  
之如今之文行馬之內有違法憲謂禁防之事耳宮內  
禁防外司不得而行故專施中丞今道路橋梁不修關  
訟屠沽不絕如此之比中丞推責州坐即令所謂行馬  
內語施於禁防既云中丞督司百僚矣何復說行馬之  
內乎既云百僚而不得復說行馬之內者內外衆官謂

之百僚則通內外矣司隸所以不復說行馬內外者禁  
防之事已於中丞說之故也中丞司隸俱糾皇太子以  
下則共對司內外矣不為中丞專司內百僚司隸專司  
外百僚自有中丞司隸以來更互奏內外衆官惟所糾  
得無內外之限也而結一旦橫挫臣臣前所以不羅縷  
者

羅縷委曲  
序列之意

冀因結奏得從私願也今既所願不從而

勅云但為過耳非所不及也以此見原臣忝司直之任  
宜當正已率人若其有過不敢受原是以申陳其愚司

隸與中丞俱共糾皇太子以下則從皇太子以下無所  
不糾也得糾皇太子而不得糾尚書臣之闕塞既所未  
譬皇太子為在行馬之內邪皇太子在行馬之內而得  
糾之尚書在行馬之內而不得糾無有此理此理灼然  
而結以此挫臣臣可無恨耳其於觀聽無乃有怪邪臣  
識石公前在殿上脫衣為司隸荀愷所奏先帝不以為  
非於時莫謂侵官今臣裁糾尚書而當有罪乎

李密

字令伯  
犍為武陽人



陳情表

奉始初微為太子洗馬密以祖母年高無人奉養遂不庭命乃上疏

臣以險釁風遭閔凶生孩六月慈父見背行年四歲舅奪母志祖母劉愍臣孤弱躬親撫養臣以多疾病九歲不行零丁孤苦至於成立

本傳密父早亡母何氏改醮密感慈成疾祖母劉躬自撫

養既無伯叔終鮮兄弟門衰祚薄晚有兒息外無暮功強近之親內無應門五尺之童茆莛孑立形影相弔而

劉早嬰疾病常在牀蓐臣侍湯藥未曾廢離

本傳密以孝謹聞劉

氏有疾則涕泣側息未嘗解衣飲膳湯藥必先嘗後進

逮奉聖朝沐浴清化前太

守臣達察臣孝廉後刺史臣榮舉臣秀才

達太守名臣榮刺史名

以供養無主辭不赴命詔書特下拜臣郎中尋蒙國恩

除臣洗馬猥以微賤當侍東宮非臣隕首所能上報臣

具表聞辭不就職詔書切峻責臣逋慢郡縣逼迫催臣

上道州司臨門急於星火臣欲奉詔奔馳則劉病日篤

苟順私情則告訴不許臣之進退實為狼狽伏惟聖朝

以孝治天下凡在故老猶蒙矜卹况臣孤苦特為尤甚

且臣少事偽朝歷職郎署

本傳密火仕蜀為郎

本圖宦達不矜名

節

本傳密有才能常望內轉乃遷漢中太守自以失分懷怨此二語固密本意

今臣亡國賤

俘至微至陋猥蒙拔擢寵命優渥豈敢磐桓有所希冀  
但以劉日薄西山氣息奄奄人命危淺朝不慮夕臣無  
祖母無以至今日祖母無臣無以終餘年母孫二人更  
相為命是以區區不敢廢遠臣密今年四十有四祖母  
劉今年九十有六是臣盡節於陛下之日長報養劉之  
日短也烏鳥私情願乞終養臣之辛苦非徒蜀之人士  
及二州牧伯所見明知

二州梁益也

皇天后土實所共鑒願

陛下矜愍愚誠聽臣微志庶劉僥倖保卒餘年臣生當

隕首死當結草

左傳魏武子有嬖妾無子命顗曰必以殉及卒顗嫁之輔氏之役顗見老人結

草以抗杜回曰躓而顗獲之夜夢之曰余而所嫁婦人之父也

臣不勝犬馬怖懼之情

謹表以聞

帝覽之曰士之有名不虛然哉乃傳召後劉終服闋復以洗馬徵

陳壽

字承祚巴西安漢人治書侍御史

定諸葛亮故事表

泰始十年

臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮

故事亮毗佐危國負阻不賓然猶存錄其言恥善有遺  
誠是大晉光明至德澤被無疆自古以來未之有倫也  
輒刪除複重隨類相從凡為二十四篇篇名如右亮少  
有逸羣之才英霸之器身長八尺容貌甚偉時人異焉  
遭漢末擾亂隨叔父玄避難荊州躬耕於野不求聞達  
亮傳亮從父玄與荊州牧劉表有舊往  
依之玄卒亮躬耕隆畝好為梁父吟  
時左將軍劉備  
以亮有殊量乃三顧亮於草廬之中亮深謂備雄姿傑  
出遂解帶寫誠厚相結納及魏武帝南征荊州劉琮舉

州委質而備失勢衆寡無立錐之地亮時二十七乃建  
奇策身使孫權求援吳會權既宿服仰備又覩亮奇雅  
甚敬重之即遣兵三萬人以助備備得用與武帝交戰  
大破其軍乘勝克捷江南悉平

江南荆江之南先主傳  
南征四郡武陵長沙桂

陽零陵  
皆降

後備又西取益州益州既定以亮為軍師將軍

備稱尊號拜亮為丞相錄尚書事及備殂沒嗣子幼弱  
事無巨細亮皆專之於是外連東吳內平南越立法施  
度整理戎旅工械技巧物究其極科教嚴明賞罰必信

無惡不懲無善不顯至於吏不容奸人懷自厲道不拾遺疆不侵弱風化肅然也當此之時亮之素志進欲龍驤虎視苞括四海退欲跨陵邊疆震蕩宇內又自以為無身之日則未有蹈涉中原抗衡上國者是以用兵不戢屢耀其武然亮才於治戎為長奇謀為短理民之幹優於將畧而所與對敵或值人傑

謂司馬懿也

加衆寡不作

攻守異體故雖連年動衆未能有克

建興六年攻祁山冬復出散關九年

復出祁山十二年屯渭南

昔蕭何薦韓信管仲舉王子城父皆付已

之長未能兼有故也亮之器能政理抑亦管蕭之亞匹也而時之名將無城父韓信故使功業陵遲大義不及耶蓋天命有歸不可以智力爭也青龍二年春亮帥衆出武功分兵屯田為久駐之基其秋病卒黎庶追思以為口實至今梁益之民咨述亮者言猶在耳雖甘棠之詠召公鄭人之歌子產無以逮譬也孟軻有云以逸道使民雖勞不怨以生道殺人雖死不忿信矣論者或怪亮文彩不艷而過於丁寧周至臣愚以為咎繇大賢也



周公聖人也考之尚書咎繇之謨略而雅周公之詰煩而悉何則咎繇與舜禹共談周公與羣下矢誓故也亮所與言盡衆人凡士故其文指不得及遠也然其聲教遺言皆經事綜物公誠之心形於文墨足以知其人之意理而有補於當世伏惟陛下邁蹤古聖蕩然無忌故雖敵國誹謗之言咸肆其辭而無所革諱所以明大通之道也謹錄寫上詣著作臣壽誠惶誠恐頓首頓首死罪死罪

按壽傳馬謖為亮所誅壽父亦坐被髡壽為亮立傳謂亮將畧非長無應敵之才議者以此少

之

虞溥

字允源高平昌邑人  
武帝時為鄱陽內史

獎訓諸生誥

溥至鄱陽大修庠序廣招學徒具  
為條制於是至者七百餘人溥乃

作誥以  
獎訓之

文學諸生皆冠帶之流年盛志美始涉學庭講修典訓  
此大成之業立德之基也夫聖人之道淡而寡味故始  
學者不好也及至期月所觀彌博所習彌多日聞所不  
聞日見所不見然後心開意朗敬業樂羣忽然不覺大

化之陶已至道之入神也故學之染人甚於丹青  
吾見其久而渝矣未見久學而渝者也夫工人之染先  
修其質後事其色質修色積而染工畢矣學亦有質孝  
悌忠信是也君子內正其心外修其行行有餘力則以  
學文文質彬彬然後為德夫學者不患才不及而患志  
不立故曰希驥之馬亦驥之乘希顏之徒亦顏之倫也  
又曰剡而舍之朽木不知剡而不舍金石可虧斯非其  
效乎今諸生口誦聖人之典體閑庠序之訓比及三年

可以小成而令名宣流雅譽日新朋友欽而樂之朝士  
敬而歎之於是州府交命擇官而仕不亦美乎若乃含  
章舒藻揮翰流離稱述世務探賾究奇使揚班韜筆仲  
舒結古亦惟才所居固無常人也然積一勺以成江河  
累微塵以崇峻極匪志匪勤理無由濟也諸生若絕人  
間之務心專親學累一以貫之積漸以進之則亦或遲  
或速或先或後耳何滯而不通何遠而不至耶

張俊

字士然吳國人  
太子中庶子

為吳令謝詢求為諸孫置守家人表

尚河東人  
元康中上

表語  
從之

臣聞成湯革夏而封祀武王入殷而建宋春秋征伐則  
晉修虞祀燕祭齊廟夫一國為一人興先賢為後愚廢  
誠仁聖所哀悼而不忍也故三王敦繼絕之德春秋貴  
柔服之義昔漢高受命追存六國凡諸絕祚一時普祀  
親與項羽對爭存亡逮羽之死臨哭其喪將以位嘗侔  
尊力嘗均勢雖功奪其成而恩與其敗且暴興疾顛禮

之若舊殘戮之尸乃以公葬

項羽本紀以魯公禮葬項王穀城漢王為發哀泣之

而若使羽位承緒世有哲王一朝力屈全身從命則楚

廟不墮有後可冀伏惟大晉應天順人武成止戈西戎

有即叙之人

夏書禹貢西戎即叙

京邑開吳蜀之館興滅加乎萬

國繼絕接於百世雖三五弘道商周稱仁洋洋之美未

足以喻是以孫氏雖家失吳祚而族蒙晉榮子弟量才

比肩進取懷金侯服佩青千里

金印也青綬也孫皓傳皓舉家西遷太子瑾拜

中郎諸子為王者拜郎中

當時受恩多有過望臣聞春雨潤木自葉

流根鵠鵠恤功愛子及室

幽風鵠鵠篇鵠鵠也鵠既取我子無毀我室

故天

稱罔極之恩聖有綢繆之惠追惟吳偽武烈皇帝

孫堅追諡

武烈皇帝遭漢室之弱值亂臣之強首唱義兵先衆犯難破

董卓於陽人濟神器於甄井

孫堅傳堅收兵於陽人大破卓軍江表傳堅入洛軍

城南甄官井井上每旦有五色氣探得漢傳國璽

威震羣狡名顯往朝桓王才

武

孫策諡長沙桓王

弱冠承業招百越之士奮鷹揚之勢西赴

許都將迎幼主雖元勲未終然至忠已著夫家積義勇

之基世傳扶危之業進為徇漢之臣退為開吳之主而

柔嘗絕於三葉

自權至皓凡三世

園陵殘於新采臣竊悼之伏

見吳平之初明詔追錄先賢欲封其墓愚謂二君並宜

應書故舉勞則力輸先代論德則惠存江南正刑則罪

非晉寇從生則異世已輕

從生謂緣孫皓連生也

若列先賢之數

蒙詔書之恩裁加表異以寵亡靈則人望克厭誰不曰

宜二君私奴多在墓側今為平民乞差五人蠲其徭役

使四時修護頽毀掃除瑩壟永以為常

詔從之

閻續

字續伯已西安漢人官至漢中太守



陳保傅太孫疏

永康元年立皇孫臧為皇太孫  
愍懷太子適之子也續上疏

今相國雖已保傅東宮保其安危

惠帝紀趙王倫自為  
相國愍懷太子傳太

子官屬即轉為太孫官  
屬趙王倫行太孫太傅

至於旦夕訓誨輔導出入動靜

劬勞宜選寒苦之士忠貞清正老而不衰如城門校尉

梁柳白衣南安朱冲比者以為師傅其侍臣以下文武

將吏且勿復取戚戚豪門子弟若吳太妃家室及賈郭

之黨

惠帝賈皇后及后  
母宜城君郭也

如此之輩生而富溢無念修己

率多輕薄浮華相驅放縱皆非所補益於吾少主者也

皆可擇寒門篤行學問素士更履險易節義足稱者以  
備羣臣可輕其禮儀使與古同於相切磋為益昔魏文  
帝之在東宮徐幹劉楨為友文學相接之道並如氣類  
北海徐幹東平劉楨俱與  
文帝友善為五官將文學吳太子登顧譚為友諸葛恪

為賓臥同牀帳行則參乘交如布衣相呼以字

諸葛恪傳恪與

顧譚等侍太子登講道論藝並為賓友

此則近代之明比也太子之子不

患不富貴不患人不敬畏患於驕盈不聞其過不知稼  
穡之艱難耳至於甚者乃不知名六畜可不勉哉昔周

公親撻伯禽曹參答密二百聖考慈父皆不傷恩

禮記成王

有過則撻伯禽所以示成王世子之法也曹參傳參子密為中大夫惠帝惟相國不治事令密諫參參怒而答之二今不忍小相維持令至闕失頓相罪責不亦誤哉

在禮太子朝夕視膳昏定晨省跪問安否於情得盡五

日一朝於敬既簡於恩亦疎易致構間故曰一朝不朝

其間容刀五日之制起漢高祖

漢書高帝紀五日一朝太公

身為天

子父猶庶人萬機事多故闕私敬耳今主上臨朝太子

無事專主孝養宜改此俗文王世子篇曰王季一飯亦

一飯再飯亦再飯安有逸豫五日一覲哉

陸機

字士衡吳郡人少有異才文章冠世為吳牙門將軍入晉為太子洗馬後為成都王穎將

軍為穎

所害

辨亡論上

機祖父有大勲於江表深慨孫皓舉而棄之乃作辨亡論二篇

昔漢氏失御姦臣竊命

中平六年董卓弑太

禍基京畿

毒徧宇內皇綱弛頓王室遂卑於是羣雄蜂駭義兵四

合吳武烈皇帝慷慨下國電發荆南

本傳堅為長沙太守諸州郡討卓堅

亦舉兵權略紛紜忠勇伯世威稜則夷羿震盪

羿善射者夷其

荆州

氏兵交則醜虜授馘遂掃清宗祊烝禋皇祖

祊廟門內之祭也孝

子不知神之所在故使祝卜求之於門內本傳堅入洛修諸陵平塞發掘吳書埽除漢宗廟祀以太牢○祊補

盲反於時雲興之將帶州焱起之師跨邑哮咽之羣風驅

哮呼交切熊羆之族霧合雖兵以義動同盟戮力然皆

苞藏禍心阻兵怙亂或師無謀律喪威稔寇忠規武節

未有如此其著者也武烈既沒長沙桓王逸才命世弱

冠秀發

江表傳策年十餘歲已結交知名

招覽遺老與之述業神兵東

驅奮寡犯衆

本傳策召募得數百人從表術江表傳術以堅餘兵十餘人還策

攻無堅

城之將戰無交鋒之虜

本傳策渡江轉關所向皆破莫敢當其鋒

誅叛柔服

而江外底定飭法修師則威德翕赫賓禮名賢而張昭

為之雄交御豪俊而周瑜為之傑

本傳以彭城張昭等為謀主江表傳周瑜

美連風成聞策聲聞推分結好

彼二君子皆弘敏而多奇雅達而聰哲

故同方者以類附等契者以氣集江東蓋多士矣將北

伐諸華誅鉏干紀旋皇輿於夷庚反帝座於紫闥

夷庚平道

也本傳建安五年策陰欲襲許迎漢帝

挾天子以令諸侯清天步而歸舊

物戎車既次羣凶側目大業未就中世而殞

本傳為故吳郡太守

詳貢客  
所殺

用集我大皇帝

本傳權亮謚曰大皇帝

以奇蹤襲逸軌

心因令國從政治於故實播憲稽乎遺風而加之以篤

敬申之以節儉疇諮俊茂好謀善斷東帛旅於丘園旌

命交於塗巷故豪彥尋聲而響臻志士晞光而景驚異

人輻輳猛士如林於是張公為師傅周瑜陸公

陸公謂陸遜機

之祖故

魯肅呂蒙之疇入為腹心出為股肱甘寧凌統

程普賀齊朱桓朱然之徒奮其威韓當潘璋黃蓋蔣欽

周泰之屬宣其力風雅則諸葛瑾張承步騭以名聲光

國政事則顧雍潘濬呂範呂岱以器任幹職奇偉則虞翻陸績張惇以風義舉政奉使則趙咨沈珩以敏達延譽術數則吳範趙達以機祥協德

言二人以天文術數知其機密災祥之事

以合其德也

董襲陳武殺身以衛主路統劉基彊諫以補過

謀無遺計舉不失策故遂割據山川跨制荆吳而與天下爭衡矣魏氏嘗藉戰勝之威率百萬之師浮鄧塞之舟

鄧塞鄧城東北小山名

下漢陰之衆羽楫萬計龍躍順流銳師

千旅虎步原隰謀臣盈室武將連衡喟然有吞江許之



志壹宇宙之氣而周瑜驅我偏師黜之赤壁

建安十三年操進兵

江陵權遣瑜逆之

大破操軍於赤壁喪旗亂轍僅而獲免收跡遠遁漢王

亦憑帝王之號帥巴漢之人乘危騁變結壘千里志報

關羽之敗圖收湘西之地而我陸公亦挫之西陵覆師

敗績困而後濟絕命永安

先主忿孫權之棄關羽帥諸軍伐吳連營七百餘里與吳

軍相拒於夷陵為陸遜所敗章武三年崩於永安宮按荊州在湘水之西西陵即夷陵

續以濡須

之寇臨川摧銳

建安十八年曹操出濡須作油船夜渡洲上權以水軍圍取得三千餘人

龍之戰了輪不返

臧霸傳霸至皖討吳將韓當當遣兵逆霸戰於蓬龍

由是二邦

之將喪氣挫鋒勢歛財匱而吳莞然坐乘其弊故魏人

請好漢氏乞盟遂躋天號鼎峙而立西界庸益之郊

庸上

庸郡益蜀郡皆江漢上流

北裂淮漢之浹東苞百越之地南括羣蠻

之表於是講八代之禮蒐三王之樂告類上帝拱揖羣

后武臣毅卒循江而守長棘勁鍛

棘戟也鍛有鐔者

望歲而奮

庶尹盡規於上黎元展業於下化協殊裔風行遐圻乃

俾一介行人撫巡外域巨象逸駿擾於外閑明珠瑋寶

耀於內府珍瑰重迹而至奇玩應響而赴輜軒騁於南

荒衝輶息於朔野

輶軒輕車  
衝輶兵車

齊民免干戈之患戎馬無

晨服之虞而帝業固矣

齊民百姓也晨服晨  
整戎服以備不虞

大皇既沒

幼主莅朝姦回肆虐景皇聿興

權少子亮即位孫琳專  
政殺大司馬滕胤驃騎

將軍呂據鎮南將軍朱異等亮謀誅琳琳  
以兵黜亮為會稽王迎休立之是為景帝

虔修遺憲政

無大闕守文之良主也降及歸命之初

孫皓降晉  
封歸命侯

典刑

未滅故老猶存大司馬陸公以文武熙朝

陸公謂抗  
也機之父

左

丞相陸凱以謇諤盡規而施績范慎以威重顯丁奉鍾

離斐以武毅稱孟宗丁固之徒為公卿樓玄賀邵之屬

掌機事元首雖病股肱猶良爰逮末葉羣公既喪然後  
黔首有瓦解之患皇家有土崩之釁厯命應化而微王  
師躡運而發卒散於陣衆奔於邑城池無藩籬之固山  
川無溝阜之勢非有工輸雲梯之械智伯灌激之害楚

子築室之圍燕人濟西之隊

工輸班作陵雲之梯以攻宋城晉智伯攻趙襄子引

汾水以灌晉陽左傳楚子圍宋築室反耕宋人懼遂及楚平史記燕昭王使樂毅伐齊破之濟西

軍未

浹辰而社稷夷矣

浹辰十二日也

雖忠臣孤憤烈士死節將奚

救哉

吳亡丞相張悌死之

夫曹劉之將非一世所選向時之師無

曩日之衆戰守之道抑有前符險阻之利俄然未改而  
成敗貿理古今詭趣何哉彼此之化殊授任之才異也  
辨亡論下

昔三方之王也魏人據中夏漢氏有岷益吳制荆揚而  
奄有交廣曹氏雖功濟諸夏虐亦深矣其民怨劉公因  
險以飾智功已薄矣其俗陋夫吳桓王基之以武太祖  
成之以德

太祖即孫權

聰明睿達懿度弘遠矣其求賢如不

及恤民如稚子接士盡盛德之容親仁罄丹府之愛拔

呂蒙於戎行識潘濬於係虜

丹府赤心也蒙本傳蒙年十五六隨鄧當擊賊策見

而奇之引置左右江表傳權剋荆州潘稱疾不見權遣人與致之

推誠信士不恤人之

我欺量能授器不患權之我偏執鞭勒躬以重陸公之

威悉委武衛以濟周瑜之師

黃武七年魏大司馬曹休舉衆入皖乃假遜黃紙為

大都督吳王親執鞭以見之曹操入荆州權盡委武衛之兵以益周瑜軍

卑宮非食豐功臣

之賞披懷虛已納謨士之算故魯肅一面而自託士變

蒙險而效命

肅傳權見肅與語甚說之引肅合榻對飲變傳變為綏南中郎將權遣步騭為交州

刺史變率兄弟奉節度

高張公之德而省游田之娛

昭傳權常乘馬射虎張昭

曰夫為人君者謂能駕御英雄驅使羣賢豈謂校勇於猛獸乎

賢諸葛之言而割情欲

之歡

諸葛瑾也

感陸公之規而除刑法之煩

孫權傳黃武五年陸遜陳便宜

勸以施德緩刑權報令有司盡寫例條令損益之

奇劉基之議而作三爵之誓

虞翻傳權歡宴自起行酒虞翻伏地不持權去翻起坐權大怒手劍欲擊之大司農劉基起抱權諫曰大王以三爵後殺士雖翻有罪天下孰知之翻由是得免因勅左右自今酒後言殺皆不得殺

屏氣跼蹐

以伺子明之疾分滋損甘以育凌統之孤

呂蒙字子明蒙傳蒙疾發

權迎置內殿療護萬方欲數見顏色又恐其勞動常穿壁瞻之凌統傳統統卒二子內養於宮愛待與諸子同

登壇慷慨歸魯子之功削投惡言信子瑜之節

魯肅傳權稱尊

號臨壇顧謂公卿曰昔魯子敬嘗道此可謂明於事勢矣諸葛瑾傳時或言瑾別遣親人與備相聞權曰子瑜孤也

是以忠臣競盡其謨志士咸得肆力洪規遠略固

不厭夫區區者也

厭安也

百官苟合庶務未遑初都建業

羣臣請備禮秩天子辭而不許曰天下其謂朕何宮室

輿服蓋慊如也爰及中葉天人之分既定百度之缺粗

修

中葉謂權中年

雖釀化懿綱未齒乎上代抑其體國經民之

具亦足以為政矣地方幾萬里帶甲將百萬其野沃其

兵練其器利其財豐東負滄海西阻險塞長江制其區



守峻山帶其封域國家之利未巨有弘於茲者也借使  
守之以道御之有術敦率遺典勤民謹政循定策守常  
險則可以長世永年未有危亡之患也或曰吳蜀唇齒  
之國蜀滅則吳亡理則然矣夫蜀蓋藩援之與國而非  
吳人之存亡也何則其郊境之接重山積險陸無長轂  
之徑川阨流迅水有驚波之艱雖有銳師百萬啟行不  
過千夫舳艫千里前驅不過百艦舳船後持柁處  
艫船前刺擢處故劉  
氏之伐陸公喻之長蛇其勢然也遜比蜀兵為長蛇者  
言其地狹首尾不得

相救也。昔蜀之初亡，朝臣異謀，或欲積石以險其流，或欲

機械以御其變。天子總羣議而咨之，大司馬陸公公以

四瀆天地之所以節宣其氣，固無可遏之理。而機械則

彼我之所共，彼若棄長技以就所屈，即荆揚而爭舟楫

之用，是天贊我也。將謹守峽口，以待禽耳。逮步闢之亂，

憑寶城以延彊寇，重資幣以誘羣蠻。

鳳凰元年西陵督步闢叛降晉晉羊

祐率師向江陵於時大邦之衆雲翔電發，懸旂江介，築壘遵渚。

襟帶要害，以止吳人之西，而巴漢舟師沿江東下。

抗傳晉巴

東監軍徐偁率水軍詣建  
平荊州刺史楊肇至西陵

陸公以偏師三萬北據東坑

陸抗所築城在東坑  
上而當關城之北

深溝高壘按甲養威反虜踣跡待

戮而不敢北窺生路彊寇敗績宵遁喪師大半分命銳

師五千西禦水軍東西同捷獻俘萬計

抗傳抗勅軍營  
築嚴圍圍闡令

水軍督留慮距偁身率三軍憑圍對肇肇大敗祐等引  
還抗遂陷西陵誅夷闡族踣跡謂俯伏也北窺謂投晉

信哉賢人之謀豈欺我哉自是烽燧罕警封域寡虞陸

公沒而潛謀兆吳釁深而六師駭夫太康之役衆未盛

乎曩日之師

晉太康元  
年滅吳

廣州之亂禍有愈乎向時之難

晁日向時皆謂曹劉之世也孫皓傳天璽三年郭馬反殺廣州刺史

而邦家顛覆宗廟為

墟嗚呼人之云亡邦國殄瘁不其然與

詩大雅  
瞻印篇

易曰湯

武革命順乎天

易革卦  
彖辭

玄曰亂不極則治不开

太玄  
經語

言

帝王之因天時也古人有言曰天時不如地利易曰王

侯設險以守其國言為國之恃險也

易坎  
卦辭

又曰地利不

如人和在德不在險言守險之由人也吳之興也參而

由焉孫卿所謂合其參者也

孫子天有其時地有其財  
人有其治夫是之謂參合

及其亡也恃險而已又孫卿所謂舍其參者也夫四州

之氓非無衆也大江之南非乏俊也

四州荆揚交廣皆吳地也

山川

之險易守也勁利之器易用也先政之策易循也功不  
興而禍遘者何哉所以用之者失也是故先王達經國  
之長規審存亡之至數謙己以安百姓敦惠以致人和  
寬冲以誘俊乂之謀慈和以結士民之愛是以其安也  
則黎元與之同慶及其危也則兆庶與之共患安與衆  
同慶則其危不可得也危與下共患則其難不足恤也  
夫然故能保其社稷而固其土宇麥秀無悲殷之思黍

離無愍周之感矣

尚書微子特朝周過殷見秀漸漸曰此父母之國宗廟社稷之所立也

志勅心悲毛詩序黍離閔宗周也周大夫行役過故宗廟宮室盡為禾黍故為黍離之詩

五等論

五等公侯伯子男也

夫體國經野先王所慎創制垂基思隆後業然而經略不同長世異術五等之制始於黃唐郡縣之治創自秦漢得失成敗備在典謨是以其詳可得而言夫先王知帝業至重天下至曠曠不可以偏制重不可以獨任任重必於借力制曠終乎因人故設官分職所以輕其任

也並建五長所以弘其制也

言益稷篇外薄四海咸建五長

於是乎立

其封疆之典財其親疎之宜

同財裁

使萬國相維以成磐

石之固宗庶雜居而定維城之業

詩曰宗子維城宗謂同姓者庶謂異姓者

又有以見綏世之長御識人情之大方知其為人不如

厚已利物不如圖身安上在乎悅下為已在乎利人故

易曰說以使民民忘其勞

易兌卦彖辭

孫卿曰不利而利之

不如利而後利之利也

孫子不利而利之言不與人同其利而自有其利也利而後利

之言與人同其利而因得與人共享其利也

是以分天下以厚樂而已得與

之同憂饗天下以豐利而我得與之共害利溥則恩篤  
樂遠則憂深故諸侯饗食土之實萬國受世及之祚矣  
夫然則南面之君各務其治九服之民知有定主上之  
子愛於是乎生下之體信於是乎結世治足以敦風道  
衰足以禦暴故彊毅之國不能擅一時之勢雄俊之士  
無所寄霸王之志然後國安由萬邦之思治主尊賴羣  
后之圖身譬猶衆目營方則天網自昶四體辭難而心  
膺獲又三代所以直道四王所以垂業也夫盛衰隆弊



理所固有教之廢興繫乎其人愿法期於必涼明道有

時而聞故世及之制弊於彊禦厚下之典漏於末折

左傳

末大必折 侵弱之釁遘自三季

三季桀紂幽王也

陵夷之禍終於七

雄昔者成湯親照夏后之鑒公旦目涉商人之戒文質

相濟損益有物

物禮也

故五等之禮不革於時封畛之制

有隆焉爾者豈玩二王之禍而閤經世之算乎

二王夏殷也

固知百世非可懸御善制不能無弊而侵弱之辱愈於

殄祀土崩之困痛於陵夷也是以經始權其多福慮終

取其少禍非謂侯伯無可亂之符郡縣非致治之具也

故國憂賴其釋位

釋位去位以謀王室也

王弱憑其翼戴及承微

積弊王室遂卑猶保名位祚垂後嗣皇統幽而不輟神

器否而必存者豈非置勢使之然歟

置勢置諸侯以降成磐石之勢也

及亡秦棄道任術懲周之失自矜其得尋斧始於所庇

制國昧於弱下

左傳宋昭公將去羣公子樂豫曰公族公室之枝葉也若去之則本無所庇蔭

矣國慶獨饗其利主憂莫與其害雖速亡趣亂不必一

道顛沛之憂實由孤立是蓋思五等之小怨忘萬國之

大德知陵夷之可患閭土崩之為痛也周之不競有自

來矣國乏令主十有餘世然片言勤王諸侯必應一朝

震矜遠國先叛

公羊傳葵丘之會齊桓公震而矜之叛者九國

故彊晉收其請

隧之圖

晉文公既定襄王請隧馬王弗許

暴楚頓其觀鼎之志

定王使王孫滿

勞楚子楚子問鼎之大小輕重滿曰天命未改鼎未可問也

豈劉項之能闕關勝廣

之敢號澤哉借使秦人因循周制雖則無道有與共弊

覆滅之禍豈在曩日漢矯秦枉大啟侯王境土踰溢不

遵舊典故賈生憂其危鼎錯滿其亂是以諸侯阻其國

家之富憑其士民之力勢足者反疾土狹者逆遲六臣

犯其弱網七子衝其漏網

六臣燕王臧荼韓王信淮陰侯韓信梁王彭越淮南王黥

布燕王盧綰等也七子吳王濞與膠西膠東淄川濟北楚趙也

皇祖夷於鯨徒西京病

於東帝

黥布反高祖自將擊之為流矢所中夷傷也吳王濞反袁盎為太常使吳吳王曰我已為東帝

尚誰拜不肯見盎

是蓋過正之災而非建侯之累也然呂氏之

難朝士外顧宋昌策漢必稱諸侯

呂產呂祿作亂宋虛侯使人告齊王令發

兵西太尉勃丞相平為內應誅諸呂迎立代王郎中令張武以為不可往宋昌曰羣臣議非也內有宋虛東牟之親外畏吳楚淮南琅邪齊代之強故迎大王勿疑也

逮至中葉忌其失節割削

宗子有名無實天下曠然復襲亡秦之軌矣是以五侯

作威不忌萬邦新都襲漢易於拾遺也

成帝悉封舅王譚王立王振王

逢王商為列侯世謂之五侯王莽為新都侯故曰新都

光武中興纂隆皇統而猶

遵覆車之遺轍養喪家之宿疾僅及數世姦宄充斥卒

有彊臣專朝則天下風靡

彊臣謂梁冀之屬

一夫從橫則城池

自夷豈不危哉

一夫謂董卓也

在周之衰難興王室放命者七

臣干位者三子

放命謂秦王命也干犯也七臣為國邊伯石連唐父子禽祝跪蘇子也三子子

頽叔帶嗣王委其九鼎凶族據其天邑

嗣王惠襄悼也凶族三子也

鉦鼙震於閭宇鋒鏑流乎絳闕然禍止幾旬害不覃及天下晏然以治待亂是以宣王興於共和襄惠振於晉

鄭

厲王出奔於彘召周公二相行政號曰共和厲王崩二相乃立宣王又惠王即位衛師燕師伐周立于

頹鄭伯伐王城殺王子頹又襄王出居於鄭邲母弟之難也晉侯逆王入於王城

豈若二漢階

閭覽擾而四海已沸

階閭覽擾王莽也

孽臣朝入而九服夕亂

哉

孽臣董卓也

遠惟王莽篡逆之事近覽董卓擅權之際億

兆悼心愚智同痛然周以之存漢以之亡夫何故哉豈世之曩時之臣士無匡合之志歟蓋遠績屈於時異雄

心挫於卑勢耳故烈士扼腕終委冠讐之手中人變節

以助虐國之桀雖復時有鳩合同志以謀王室

若翟義劉璜之

於王莽韓馥劉  
岱之於董卓也

然上非奧主下皆市人

奧深也言非  
深沉之主也師

旅無先定之班君臣無相保之志是以義兵雲合無救  
刼殺之禍民望未改而已見大漢之滅矣或以諸侯世  
位不必常全昏主暴君有時比迹故五等所以多亂今  
之牧守皆以官方庸能雖或失之其得固多故郡縣易  
以為治夫德之休明黜陟日用長率連屬咸述其職而

淫昏之君無所容過

禮記千里之外設方伯五國以為屬屬有長十國以為連連有帥君

謂諸侯也

何則其不治哉故先代有以之興矣苟或衰陵百

度自恃鬻官之吏以貨准才則貪殘之萌皆如羣后也

萌即妖言民之貪殘者富盛皆可為羣后以臨下也

安在其不亂哉故後主有以

之廢矣且要而言之五等之君為已思治郡縣之長為

利圖物何以徵之蓋企及進取仕子之常志修已安民

良士之所希夫進取之情銳而安民之譽遲是故侵百

姓以利已者在位所不憚損實事以養名者官長所夙



夜也君無卒歲之圖臣挾一時之志五等則不然知國  
為已土衆皆我民民安已受其利國傷家嬰其病故前  
人欲以垂後後嗣思其堂構為上無苟且之心羣下知  
膠固之義使其並賢居治則功有厚薄兩愚處亂則過  
有淺深以諸侯郡縣之賢者而較之則諸侯以長久而  
功多郡縣以數易而功少使其皆愚則諸侯以  
累世流惠過乃淺郡縣  
以侵人利已過則深然則八代之制幾可以一理貫  
八代五帝三五也秦漢之典殆可以一言蔽矣

劉琨

字越石中山魏昌人  
侍中太尉封廣武侯

勸進表

建興四年琨為石勒所敗依鮮卑段匹碑明年琅邪王睿稱制江左琨乃令長

史溫嶠勸進於是河朔征鎮夷夏一百八十人連名上表

臣聞天生烝民樹之以君所以對越天地司牧黎元聖  
帝明王鑒其若此知天地不可以乏饗故屈其身以奉  
之知烝黎不可以無主故不得已而臨之社稷時難則  
戚藩定其傾郊廟或替則宗哲纂其祀是以弘振遐風  
式固萬世三五以降靡不由之伏惟高祖宣皇帝肇基  
景命世祖武皇帝遂造區夏三葉重光四聖繼軌

三葉  
宣景

文也四聖武  
惠懷愍也

惠澤侔於有虞卜年過於周氏自元康以

來艱禍繁興永嘉之際氛厲彌昏

元康惠帝年號  
永嘉懷帝年號

宸極

失御登遐醜裔

永嘉五年帝蒙塵  
於平陽七年遇害

國家之危有若綴旒

賴先后之德宗廟之靈皇帝嗣建舊物克甄

洛陽傾覆  
雍州刺史

賈疋奉恭王為皇太子建  
興元年即位是為愍帝

誕授欽明服膺聰哲玉質幼

彰金聲夙振冢宰攝其綱百辟輔其治四海想中興之

美羣生懷來蘇之望不圖天不悔禍大災薦臻國未忘

難寇害尋興逆臣劉曜縱逸西都敢肆犬羊陵虐天邑

臣奉表使還乃承西朝以去年十一月不守主上幽劫

復沉虜庭

建興四年帝蒙塵于平陽五年遇害

神器流離再辱荒逆臣每

覽史籍觀之前載厄運之極古今未有苟在食土之毛

含血之類莫不叩心絕氣行號巷哭況臣等荷寵三世

位厠鼎司

琨祖邁相國參軍父蕃太子洗馬侍御史時琨為司空故曰鼎司

聞問震惶

精爽飛越且驚且惋五情無主舉哀朔垂上下泣血臣

聞昏明迭用否泰相濟天命無改厯數有歸或多難以

固邦國或殷憂以啟聖明是以齊有無知之禍而小白

為五伯之長晉有驪姬之難而重耳主諸侯之盟社稷  
靡安必將有以扶其危黔首幾絕必將有以繼其緒伏  
惟陛下立德通於神明聖姿合於兩儀應命世之期紹  
千載之運符瑞之表天人有徵中興之兆圖讖垂典自  
京畿隕喪九服崩離天下囂然無所歸懷雖有夏之溝  
夷羿宗姬之離犬戎蔑以過之陛下撫寧江左奄有舊  
吳柔服以德伐叛以刑抗明威以攝不類仗大順以號  
宇內純化既敷則率土宅心義風既暢則遐方企踵百

揆時序於上四門穆穆於下昔以康之隆夏訓以為美  
謨宣王中興周詩以為休詠況茂勲格於皇天清輝光  
於四海蒼生顯然莫不欣戴聲教所加願為臣妾者哉  
且宣皇之脩惟有陛下億兆攸歸曾無與二天祚大晉  
必將有主主晉祀者非陛下而誰是以邇無異言遠無  
異望謳歌者無不吟咏徽猷獄訟者無不思於聖德天  
地之際既交華裔之情允洽一角之獸連理之木以為  
休徵者盖有百數冠帶之倫要荒之衆不謀而同辭者

動以萬計是以臣等考天地之心因函夏之趣味死以  
上尊號願陛下存舜禹至公之情狹巢由抗矯之節以  
社稷為務不以小行為先以黔首為憂不以克讓為事  
上慰宗廟乃顧之懷下釋普天傾首之望則所謂生繁  
華於枯槁育豐肌於朽骨神人獲安無不幸甚臣聞尊  
位不可久虛萬機不可久曠虛之一日則尊位以殆曠  
之浹辰則萬機以亂方今鍾百王之季當陽九之會狡  
寇窺窬伺國瑕隙黎元波蕩無所繫心安可廢而不恤

哉陛下雖欲逡巡其若宗廟何其若百姓何昔惠公虜

秦晉國震駭呂卻之謀欲立子圉外以絕敵人之志內

以固閭境之情故曰喪君有君羣臣輯睦好我者勸惡

我者懼前事之不忘後代之元龜也陛下明並日月無

幽不燭深謀遠猷出自胸懷不勝犬馬憂國之情遲覩

人神開泰之路是以陳其乃誠布之執事臣等各忝守

方任職在遐外不得陪列闕庭與覩盛禮踊躍之懷南

望罔極


表上帝優命答之明年  
愍帝山間至遂即帝位







御選古文淵鑒卷二十三



總校官庶吉士臣張能照

校對官助教臣胡予襄

膳錄舉人臣吳之承

欽定四庫全書薈要

集部

御選古文淵鑒卷二十四

御選古文淵鑒卷二十四目錄

晉



晉紀總論

庾亮

讓中書監表

荀崧

請置博士疏

范甯

罪王何論

蔡謨

止庾亮北伐議

王羲之

止殷浩再舉北伐書

與會稽王牋

遺謝安書

孫綽

諫移都洛陽疏

徐邈

與范甯書

戴逵

放達非道論

韓延之

報宋公書

御選古文淵鑒卷二十四目錄



御選古文淵鑒卷二十四

內閣學士兼禮部侍郎教習庶吉士

臣

徐乾學等奉

旨編注

晉

干寶

字令升新蔡人散騎常侍

晉紀總論

昔高祖宣皇帝以雄才碩量應運而仕值魏太祖創基

之初籌畫軍國嘉謀屢中遂服輿軫驅馳三世

三世魏武文明

祖三性深阻有如城府而能寬綽以容納行任數以御物

而知人善采拔故賢愚咸懷大小畢力爾迺取鄧艾於

農隙引州泰於行役

艾為典農綱紀上計吏司馬懿奇之辟為掾荊州從事州泰亦為懿

所知委以文武各善其事故能西擒孟達東舉公孫淵內

夷曹爽外襲王凌

太和元年新城太守孟達反懿破斬之四年遼東太守公孫淵反懿斬淵

梁水上嘉平元年誅大將軍曹爽三年太尉王凌貳於懿仰鵠而死

神畧獨斷征伐四克

維御羣后大權在已於是百姓與能大象始構世宗承

基太祖繼業

世宗景帝師也  
太祖文帝昭也

玄豐亂內欽誕寇外

正元元年

中書令李臺謀以太常夏侯玄代師輔政逮捕夷三族  
二年揚州刺史文欽舉兵師大破其軍欽奔吳甘露元  
年大將軍諸葛誕作亂  
昭奉天子東征斬誕潛謀雖密而在幾必兆淮浦再

擾而許洛不震咸黜異圖用融前列然後推轂鍾鄧長

驅庸蜀三關電掃劉禪入臣

景元四年鍾會自駱谷襲  
漢中鄧艾自陰平進軍雒

縣劉禪降三關陽平  
關江關白水關也

天符人事於是信矣始當非常之

禮終受備物之錫

是年天子封昭為晉公備  
九錫咸熙元年進爵為王

至於世祖

遂享皇極

咸熙二年世  
祖炎受魏禪

仁以厚下儉以足用和不弛

寬而能斷故民詠維新四海悅勸矣聿修祖宗之志思

輯戰國之苦腹心不同公卿異議而獨納羊祜之策

羊祜

疏請伐吳張華贊成之賈充

荀勗以為不可帝從祜策

杖王杜之決役不二時江

湘來同

咸寧五年鎮南大將軍杜預出江陵龍驤將軍王濬浮江而下太康元年入石頭孫皓降掩

唐虞之舊域班正朔於八荒天下書同文車同軌牛馬

被野餘糧棲畝故於時有天下無窮人之謗雖太平未

洽亦足以明吏奉其法民樂其生矣武帝既崩山陵未

乾楊駿被誅母后廢黜

惠帝元康元年誅太傅楊駿賈后矯詔廢皇太后為庶人

尋

以二公楚王之變

賈后使楚王瑋殺太宰汝南王亮太保衛瓘旋以瑋矯詔殺之

宗子

無維城之助師尹無具瞻之貴至乃易天子以太上之

號而有免官之謠

永寧元年趙王倫篡位遷帝於金墉城號曰太上皇太史按星變事當有

免官天子

民不見德唯亂是聞朝為伊周夕為桀跖善惡陷

於成敗毀譽脇於世利內外混淆庶官失才名實反錯

天網解紐國政迭移於亂人禁兵外散於四方方岳無

鈞石之鎮

三十斤為鈞四鈞為石

關門無結草之固李辰石冰傾

之於荆揚

義陽蠻張昌易姓名為李辰據江夏別率石冰破江揚二州

劉淵王彌撓

之於青冀

東萊王彌據青州匈奴劉元海據平陽

戎羯稱制二帝失尊

懷

二帝俱為劉曜所虜

何哉樹立失權託付非才四維不張而苟且

之政多也夫作法於治其弊猶亂作法於亂誰能救之

彼劉淵者離石之將兵都尉王彌者青州之散吏也蓋

皆弓馬之士驅走之人非有吳先主

孫權

諸葛孔明之能

新起之寇烏合之衆非吳蜀之敵也脫未為兵裂裳為

旗非戰國之器也自下逆上非鄰國之勢也然而擾天

下如驅羣羊舉二都如拾遺芥將相王侯連頸以受戮

后嬪妃主虜辱於戎卒豈不哀哉天下大器也羣生重畜也愛惡相攻利害相奪其勢常也若積水於防燎火

於原未嘗暫靜也器大者不可以小道治勢動者不可

以爭競擾古先哲王知其然也是以扞其大患禦其大

災百姓皆知上德之生已而不謂浚已以生也是以感

而應之悅而歸之如晨風之鬱北林

詩歎彼晨風鬱彼北林晨風鳥名

龍魚之趣淵澤也然後設禮文以治之斷刑罰以威之

謹好惡以示之審禍福以喻之求明察以觀之篤慈愛

以固之故衆知向方皆樂其生而哀其死悅其教而安其俗君子勤禮小人盡力庶恥篤於家閭邪僻消於胸懷故其民有見危以授命而不求生以害義又況可奮臂大呼聚之以干紀作亂乎基廣則難傾根深則難拔理節則不亂膠結則不遷是以昔之有天下者所以長久也夫豈無僻主賴道德典刑以維持之也昔周之興也后稷生於姜嫄而天命昭顯文武之功起於后稷至於公劉遭狄人之亂去邠之幽身服厥勞至於太王為



戎翟所逼而不忍百姓之命杖策而去之故從之如歸  
市一年成邑二年成都三年五倍其初至於王季貊其  
德音至於文王而維新其命由此觀之周家世積忠厚  
仁及草木內隆九族外尊事黃耆養老乞言以成其福  
祿者也而其後妃躬行四教婦德婦言  
婦容婦功尊敬師傅服黻  
濯之衣修煩辱之事化天下以婦道是以漢濱之女守  
潔白之志中林之士有純一之德始於憂勤終於逸樂  
以三聖之智伐獨夫之紂猶正其名教曰逆取順守及

周公遭變陳后稷先公風化之所由致王業之艱難者  
則皆農夫女工衣食之事也故自后稷之始基靖民十  
五王而文始平之十六王而武始居之十八王而康克  
安之故其積基樹本經緯禮俗節理人情恤隱民事如  
此之纏綿也今晉之興也功烈於百王事捷於三代蓋  
有為以為之矣宣景遭多難之時誅庶桀以便事不及  
修公劉太王之仁也受遺輔政屢遇廢置故齊王不明  
不獲思庸於亳

嘉平六年司馬師廢魏主芳為齊王  
書伊尹放太甲於桐三年復歸於亳

高貴冲人不得復子明辟

咸寧二年司馬昭裁高貴鄉公髦周書成王幼周公踐阼

後復子明辟

二祖逼禪代之期不暇待三分八百之會也是

其創基立本異於先代者也又加以朝寡純德之士

鄉乏不貳之老風俗淫僻恥尚失所學者以莊老為宗

而黜六經談者以虛薄為辯而賤名檢行身者以放濁

為通而狹節信進仕者以苟得為貴而鄙居正當官者

以望空為高而笑勤恪是以劉頌屢言治道傳咸每糾

邪正

頌光祿大夫咸司隸校尉

皆謂之俗吏其倚杖虛曠依阿無心

者皆名重海內若夫文王日旰不暇食仲山甫夙夜匪懈者蓋共嗤點以為灰塵矣由是毀譽亂於善惡之實情慝奔於貨欲之塗選者為人擇官官者為身擇利而秉鈞當軸之士身兼官以十數大極其尊小錄其要而世族貴戚之子弟陵邁超越不拘資次悠悠風塵皆奔競之士列官千百無讓賢之舉子真著崇讓而莫之省劉寔字子真子稚制九班而不得用

劉頌字子稚轉吏部尚書作九班之

著崇讓論

制以列尊卑為裴頠所駁事不行

其婦女莊櫛織紵皆取成於婢僕未

常知女工絲枲之業中饋酒食之事也先時而婚任情

而動故皆不恥淫佚之過不拘姑忌之惡父兄不之罪

也天下莫之非也又况責之聞四教於古修貞順於今

以輔佐君子者哉禮法刑政於此大壞如水斯積而決

其隄防如火斯畜而離其薪燎也國之將亡本必先顛

其此之謂乎故觀阮籍之行而覺禮教崩弛之所由

阮籍

不拘禮法居喪飲酒食肉察庾綖賈充之事而見師尹之多僻

綖祖為之

伍伯充之先為市魁二人嘗以此相戲考平吳之功而知將帥之不讓

王渾

王濬爭平吳之功更相表奏

思郭欽之謀而悟戎狄之有釁

郭欽著徒戎論

覽傅玄劉毅之言而得百官之邪

傅玄上書曰虛無放誕之論盈於朝天下

無復清議劉毅曰陛下賣官錢入私門

核傅咸之奏錢神之論而覩寵賂

之彰

傅咸上書以貨賂流行所宜深絕魯桑作錢神論

民風國勢如此雖以中

庸之才守文之主治之辛有必見之於祭祀季札必得

之於聲樂

左傳辛有適伊川見被髮祭於野者曰不及百年此其戎乎其禮先亡矣

范燮必

為之請死賈誼必為之痛哭

左傳范燮返自鄢陵使祝宗祈死曰君無禮而克敵

天益其疾矣賈誼上治安策疏曰臣竊惟事勢可為痛哭者一

又況我惠帝以放蕩之

德臨之哉懷帝承亂得位羈於強臣

東海王越擅權

愍帝奔播

之後徒廁其虛名天下之政既去非命世之雄才不能取之矣淳耀之烈未渝故大命重集於中宗元皇帝

庾亮

字元規潁川鄆陵人明穆皇后兄

讓中書監表

明帝即位以亮為中書監亮上表

臣凡庸固陋少無檢操昔以中州多故舊邦喪亂隨侍

先臣遠庇有道

亮父琛永嘉南渡為會稽太守本傳亮隨父在會稽元帝為鎮東時辟西曹掾

爰客逃難求食而已不悟邀時之福遭遇嘉運先帝龍

興垂異常之顧既眷同國士又申之婚姻遂階親寵

本傳

元帝聘亮妹

為太子妃

累忝非服弱冠濯纓沐浴芳風頻繁省闈

本傳中興初拜中書郎侍

出領六軍

本傳王敦表為中領軍

十餘

講東宮累遷散騎常侍

年間位超先達無勞被遇無與臣比小人祿薄福過災

生止足之分臣所宜守而偷榮昧進日爾一日謗譴既

集上塵聖朝始欲自聞而先帝登遐區區微誠竟未上

達陛下踐祚聖政維新宰輔賢明庶寮咸允康哉之歌

實在至公而國恩不已復以臣領中書則示天下以私



矣何者臣於陛下后之兄也姻婭之嫌實與骨肉中表  
不同雖太上至公聖德無私然世之喪道有自來矣悠  
悠六合皆私其姻者也人皆有私則謂天下無公矣是  
以前後二漢咸以抑后黨安進婚族危向使西京七族  
東京六姓皆非姻黨各以平進

七族呂霍上官趙丁傅  
王也六姓二竇及鄧閹

梁何也

縱不悉全決不盡敗今之盡敗更由姻昵臣歷觀

庶姓在世無黨於朝無援於時植根之本輕也薄也苟  
無大瑕猶或見容至於外戚憑託天地勢連四時

天地喻帝

后四時喻諸王根援扶疎重矣大矣而財居權寵四海側目事

有不允罪不容誅身既招殃國為之敝其故何耶直由  
婚媾之私羣情之所不能免故率其所嫌而嫌之於國  
是以疏附則信姻進則疑疑積於百姓之心則禍成重  
聞之內矣此皆往代成鑒可為寒心者也夫萬物之所  
不通聖賢因而不奪冒親以求一才之用未若防嫌以  
明公道今以臣之才兼如此之嫌而使內處心齊外總  
兵權以此求治未之聞也以此招禍可立待也雖陛下

二相明其愚款

元帝永昌元年王敦自為丞相錄尚書事加王導尚書令明帝太寧元年轉司

徒

朝士百寮頗識其情天下之人何可門到戶說使皆

坦然耶夫富貴寵榮臣所不能忘也刑罰貧賤臣所不能甘也今恭命則愈違命則苦臣雖不違何事背時違上自貽患責哉仰覽殷鑒量已知敝身不足惜為國取悔是以慙慙屢陳丹款而微誠淺薄未垂察諒憂惶屏營不知所厝以臣今地不可以進明矣且違命已久臣之罪又積矣歸骸私門以待刑書願陛下垂天地之鑒

察臣之愚則雖死之日猶生之年矣

疏奏帝納其言而止

荀崧

字景猷潁川臨潁人  
秘書監光祿大夫

請置博士疏

元帝簡省博士儀禮公羊穀梁及鄭易皆省不置崧以為不可乃上

疏

自喪亂以來儒學尤寡今處學則闕朝廷之秀仕朝則廢儒學之俊昔咸寧太康永嘉之中侍中常侍黃門通洽古今行為世表者領國子博士一則應對殿堂奉酬顧問二則參訓國子以弘儒訓三則祠儀二曹及太常

之職以得質疑今皇朝中興美隆往初宜憲章令軌祖  
述前典世祖武皇帝應運登禪崇儒興學經始明堂營  
建辟雍告朔班政鄉飲大射西閣東序有河圖秘書禁  
籍臺省有宗廟太府金墉故事太學有石經古文先儒  
典訓賈馬鄭杜服孔王何顏尹之徒章句傳注衆家之

學

後漢賈逵通五家穀梁之說无明左氏傳國語為解  
詁五十一篇馬融著三傳異同說注孝經論語易三

禮尚書鄭玄注周易尚書毛詩儀禮禮記論語孝經尚  
書大傳晉書杜預為春秋左氏經傳集解後漢書服虔  
作春秋左氏傳解漢書孔氏有古文尚書孔安國以今  
文字讀之因以起其家三國志王肅為尚書詩論語三

禮左氏解及撰定父朗所作易傳又山陽王弼注易後漢書何休作春秋公羊解詁又作公羊墨守左氏膏肓穀梁廢疾漢書顏安樂顯門教授由是公羊有顏學又甘露元年召五經名儒平公羊穀梁同異穀梁議郎尹更始議三十餘事由置博士十九人九州之中師徒相是穀梁之學大盛

傳學士如林猶選張華劉實居太常之官以重儒教

張華

傳徵華為太常劉實傳咸寧中為太常

傳稱孔子沒而微言絕七十二子

終而大義乖自頃中夏殄瘁講誦過密斯文之道將墮於地陛下聖哲龍飛恢崇道教樂正雅頌於是乎在江揚二州先漸聖教學士遺文於是為盛然方疇昔猶千

之一臣學不章句才不弘通方之華實儒風殊邈思竭  
駑駘庶增萬分願斯道隆於百世之上縉紳詠於千載  
之下伏聞節省之制皆三分置二博士舊置十九人今  
五經合九人準古計今猶未能半宜及節省之制以時  
施行今九人以外猶宜增四願陛下萬機餘暇時垂省  
覽宜為鄭易置博士一人鄭儀禮博士一人春秋公羊  
博士一人穀梁博士一人昔周之衰下陵上替上無天  
子下無方伯善者誰賞惡者誰罰孔子懼而作春秋諸

侯諱如懼犯時禁是以微辭妙旨義不顯明故曰知我者其惟春秋罪我者其惟春秋時左丘明子夏造膝親受無不精究孔子既沒微言將絕於是丘明退撰所聞而為之傳其書善禮多膏腴美辭張本繼末以發明經意信多奇偉學者好之稱公羊高親受子夏立於漢朝辭意清雋斷決明審董仲舒之所善也穀梁赤師徒相傳暫立於漢世向歆漢之碩儒猶父子各執一家莫肯相從其書文清義約諸所發明或是左氏公羊所不載



亦足有所訂正是以三傳並行於先代通才未能孤廢  
今去聖久遠其文將墮與其過廢寧與過立臣以為三  
傳雖同曰春秋而發端異趣按知三家異同之說此乃  
義則戰爭之場辭亦劍戟之鋒於理不可得共博士宜  
各置一人以博其學元帝詔曰崧表如此皆經國之務  
為政所由息焉投戈猶可講藝今  
雖日不暇給豈忘本而遺存耶可共博議者詳之議者  
多從崧奏詔曰穀梁膚淺不足置博士餘如奏會王敦  
之難不行按元帝紀太興四年三月置周易  
儀禮公羊博士帝紀但据詔書實未施行也

范甯

字武子南陽順  
陽人豫章太守

罪王何論

時虛浮相扇儒雅日替甯謂其源始於王弼何晏罪深桀紂乃著論

或曰黃唐緬邈至道淪翳濠濮輟詠風流靡託爭奪兆

於仁義是非成於儒墨平叔

何晏字

神懷超絕輔嗣

王弼字

妙思通微振千載之類網落周孔之塵網斯蓋軒冕之

龍門豪梁之宗匠嘗聞夫子之論以為罪過桀紂何哉

答曰子信有聖人之言乎夫聖人者德侔二儀道冠三

才雖帝皇殊號質文異制而統天成務曠代齊趣王何

蔑棄典文不遵禮度游辭浮說波蕩後生飾華言以翳

實騁繁文以惑世縉紳之徒翻然改轍洙泗之風緬焉

將墜遂令仁義幽淪儒雅蒙塵禮壞樂崩中原傾覆古

之所謂言偽而辯行僻而堅者其斯人之徒歟昔夫子

斬少正於魯

少正卯言偽而辯行僻而堅孔子相魯七日誅之

太公戮華士於

齊

海上有賢者狂裔太公望誅之曰恐其亂法易教也

豈非曠世而同誅乎桀紂

暴虐正足以滅身覆國為後世鑒戒耳豈能迴百姓之

視聽哉王何叨海內之浮譽資膏粱之傲誕畫魑魅以

為巧扇無檢以為俗鄭聲之亂樂利口之覆邦信矣哉

吾固以為一世之禍輕歷代之罪重自喪之釁小迷衆之愆大也

蔡謨

字道明陳留考城人  
侍中司徒光祿大夫

止庾亮北伐議

咸和八年石勒死亮有聞復中原之謀部分諸將自率大衆移

鎮石頭為之聲援  
事下公卿謨上議

時有否泰道有屈伸暴逆之寇雖終滅亡然當其強盛皆屈而避之是以高祖受黜於巴漢忍辱於平城也若爭強於鴻門則亡不終日故蕭何曰百戰百敗不死何

待也原始要終歸於大濟而已豈與當亡之寇爭遲速

之間哉夫惟鴻門之不爭故垓下莫能與之爭文王身

圯於美里故道泰於牧野勾踐見屈於會稽故威申於

強吳今日之事亦繇此矣賊假息之命垂盡而豺狼之

力尚彊宜抗威以待時或曰抗威待時時已可矣愚以

為時之可否在賊之強弱賊之強弱在季龍之能否季

龍之能否可得而言矣自勒初起則季龍為爪牙

勒字世龍

工黨武鄉羯人起兵據

襄國稱趙季龍勒從子

百戰百勝遂定中國境土所據

同於魏世

晉載記季龍謂其子曰主上以我躬當矢石二十餘年南擒劉岳北走索頭東平齊魯西

定秦雍剋定十有三州成大趙之業

及勒死之日將相內外欲誅季龍季

龍獨起於衆異之中殺嗣主誅寵臣

勒死季龍誅徐光程邈遂幽嗣主宏

殺之內難既平千里遠出一攻而拔金墉再戰而斬石生

禽彭彪殺石聰滅郭權還據根本內外並定四方鎮守

不失尺土

成帝紀石聰以譙來降載紀石生石朗皆起兵季龍攻朗於金墉斬之進攻長安斬生於

鷄頭山生將郭權據上邽季龍遣子斌討之上邽豪族害權以降

詳察此事豈能乎將

不能也假令不能者為之其將濟乎將不濟也賊前攻

襄陽而不能拔誠有之矣

咸和五年勅將郭敬寇襄陽七年南中郎將桓宣攻破

之逆耳

不信百戰之效而執一攻之驗棄多從少於理

安乎譬如射者百發而一不中可謂之拙乎且不拔襄

陽者非季龍身也桓平北守邊之將耳

桓宣傳亮謀北伐以宣為平北

將軍賊前攻之爭疆場耳得之為善不得則止非其所急

也今征西之往則異於是

亮傳陶侃亮亮進號征西將軍

何者重鎮也

名賢也中國之人所聞而歸心也今而西度實有卷席河南之勢賊所大懼豈與桓宣同哉季龍必率其精兵

身來距爭若欲與戰戰何如石生若欲城守守何如金

墉若欲阻沔沔何如大江蘇峻何如季龍

咸和二年歷陽太守蘇峻

反三年逼遷天子於石頭商侃溫嶠討峻斬之

凡此數者宜詳校之愚謂石生

猛將關中精兵征西之戰不能勝也金墉險固劉曜十

萬所不能拔

劉曜敗季龍於高候遂圍洛陽攻金墉不拔

今征西之守不能

勝也又是時兖州洛陽關中皆舉兵擊季龍

石堪奔兖州石生鎮

關中石朗鎮洛陽

此今三處反為其用方之於前倍畔之覺也

若石生不能敵其半而征西欲當其倍愚所疑也蘇峻



之強不及季龍汚水之險不及大江大江不能禦蘇峻

而以汚水禦季龍又所疑也昔祖士雅在譙

士雅祖逖字載紀征

北將軍祖逖據譙將平中原勒憚之

佃於城北慮賊來攻因以為資故豫

安軍屯以禦其外穀將熟賊果至丁夫戰於外老弱獲

於內多持炬火急則燒穀而走如此數年竟不得其利

是時賊雖據汚北方之於今四分之一耳士雅不能捍

其一而征西欲禦其四又所疑也或云賊若多來則必

無糧然致糧之難莫過靖函而季龍昔涉此險深入敵

國平關中而後還今至襄陽路既無險又行其國內自  
相供給方之於前難易百倍前已經至難而謂今不能  
濟其易又所疑也然此所論但說征西既至之後耳尚  
未論道路之虞也自沔以西水急岸高魚貫泝流首尾  
百里若賊無宋襄之義及我未陣而擊之將如之何今  
王士與賊水陸異勢便習不同寇若送死雖開江延敵  
以一當千猶吞之有餘宜誘而致之以保萬全棄江遠  
進以我所短擊彼所長懼非廟勝之算

朝議同之故  
亮不果移鎮

王羲之

字逸少司徒導從子右將軍會稽內史

止殷浩再舉北伐書

永和九年中軍將軍殷浩將北伐羲之以為必敗以

書止之浩遂行果為姚襄所敗復圖再舉又貽浩書

知安西敗喪公私惋怛不能須臾去懷

時謝尚為安西將軍殷浩傳浩

北伐至許昌會張遇反謝尚敗績浩還壽陽

以區區江左所營綜如此天下

寒心固以久矣而加之敗喪此可熟念往事豈復可追

願思弘將來令天下寄命有所自隆中興之業政以道

勝寬和為本力爭武功作非所當因循所長以固大業

想識其繇來也自寇亂以來處內外之任者未有深謀  
遠慮括囊至計而疲竭根本各從所志竟無一功可論  
一事可紀忠言嘉謀棄而莫用遂令天下將有土崩之  
勢何能不痛心悲慨也任其事者豈得辭四海之責追  
咎往事亦何所復及宜更虛己求賢當與有識共之不  
可復令忠允之言常屈於當權今軍破於外資竭於內  
保淮之志非復所及莫過還保長江都督將各復舊鎮  
自長江以外羈縻而已任國鈞者引咎責躬深自貶降

以謝百姓更與朝賢思布平正除其煩苛省其賦役與  
百姓更始庶可以允塞羣望救倒懸之急使君起於布  
衣任天下之重尚德之舉未能事事允稱當重統之任  
而喪敗至此恐闔朝羣賢未有與人分其謗者今亟修  
德補闕廣延羣賢與之分任尚未知獲濟所期若猶以  
前事為未工故復求之於分外宇宙雖廣自容何所知  
言不必用或取怨執政然當情慨所在正自不能不盡  
懷極言若必親征未達此旨果行者愚知所不解也願

復與衆共之復被州符增運千石徵役兼至皆以軍期對之喪氣罔知所厝自頃年割剝遺黎刑徒竟路殆同秦政惟未加慘夷之刑耳恐勝陳勝廣吳廣之憂無復日矣

與會稽王牋

簡文帝時為會稽王輔政義之阻浩北伐又與王牋

古人恥其君不為堯舜北面之道豈不願尊其所事比隆往代況遇千載一時之運顧智力屈於當年何得不權輕重而處之也今雖有可欣之會內求諸已而所憂乃重於所欣傳云自非聖人外寧必有內憂今外不寧

內憂已深古之弘大業者或不謀於衆傾國以濟一時  
功者亦往往而有之誠獨運之明足以邁衆斲勞之弊  
終獲永逸者可也求之於今可得擬議乎夫廟算決勝  
必宜審量彼我萬全而後動功就之日便當因其衆而  
即其實今功未可期而遺黎殲盡萬不餘一且千里饋  
糧自古為難况今轉運供繼西輸許洛北入黃河雖秦  
政之弊未至於此而十室之憂便以交至今運無還期  
徵求日重以區區吳越經緯天下十分之九不亡何待

而不度德量力不弊不已此封內所痛心歎悼而莫敢吐誠往者不可諫來者猶可追願殿下更垂三思解而

更張令殷浩荀羨還據合肥

時浩進次山桑羨鎮下邳

廣陵許昌譙

郡梁彭城諸軍皆還保淮為不可勝之基須根立勢舉謀之未晚此實當今策之上者若不行此社稷之憂可計日而待安危之機易於反掌考之虛實著於目前願運獨斷之明定之於一朝也地淺而言深豈不知其未易然古人處閭閻行陣之間尚或干時謀國評裁者不



以為譏况厠大臣末行豈可默而不言哉存亡所係決  
在行之不可復持疑後機不定之於此後欲悔之亦無  
及也殿下德冠宇內以公室輔朝最可直道行之致隆  
當年而未允物望受殊遇者所以寤寐長歎實為殿下  
惜之國家之慮深矣常恐伍員之憂不獨在昔麋鹿之  
游將不止林藪而已願殿下暫廢虛遠之懷以救倒懸  
之急可謂以亡為存轉禍為福則宗廟之慶四海有賴  
矣

遺謝安書

義之為右將軍會稽內史時東土饑荒輒開倉賑貸然朝廷賦役繁重義

之每上疏爭之事多見從

又遺尚書僕射謝安書

頃所陳論每蒙允納所以令下小得蘇息各安其業若不耳此一郡久以蹈東海矣今事之大者未布漕運是也吾意望朝廷可申下定期委之所司勿復催下但當歲終考其殿最長吏尤殿命檻車送詣天臺三縣不舉二千石必免或可左降令在疆塞極難之地又自吾到此從事常有四五兼以臺司及都水御史行臺文符如

雨倒錯違背不復可知吾又瞑目循常推前取重者及  
網紀輕者在五曹主者蒞事未嘗得十日吏民趨走功  
費萬計卿方任其重可徐尋所言江左平日揚州一良  
刺史便足統之况以羣才而更不理正由為法不一牽  
制者衆思簡而易從便足以保守成業倉督監耗盜官  
米動以萬計吾謂誅翦一人其後便斷而時意不同近  
檢校諸縣無不昏爾餘姚近十萬斛重斂以資姦吏令  
國用空乏良可歎也自軍興以來征役及充運死亡叛

散不反者衆虛耗至此而補代循常所在凋困莫知所  
出上命所差上道多叛則吏及叛者席卷同去又有常  
制輒令其家及同伍課捕課捕不擒家及同伍尋復亡  
叛百姓流亡戶口日減其源在此又有百工醫寺死亡  
絕沒家戶空盡差代無所上命不絕事起或十年十五  
年彈舉獲罪無懈怠而無益實事何以堪之謂自今諸  
死罪原輕者及五歲刑可以充此其減死者可長充兵  
役五歲者可充雜工醫寺皆令移其家以實都邑都邑

既實是政之本又可絕其亡叛不移其家逃亡之患復如初耳今除罪而充雜役盡移其家小人愚迷或以為重於殺戮可以絕姦刑名雖輕懲肅實重豈非適時之宜耶

孫綽

字興公太原中都人  
廷尉卿領著作郎

諫移都洛陽疏

哀帝隆和初燕慕容暉寇洛陽河南太守戴脫出奔冠軍將軍

陳祐告急桓溫使竟陵太守鄧遐助祐并欲還都洛陽朝廷畏溫不敢為異而北土蕭條

人情疑懼

綽乃上疏

伏見征西大將軍臣溫表便當躬率三軍討除二寇

秦苻

堅燕慕容暉

蕩滌河渭清灑舊京然後神旂電舒朝服濟江

反皇居於中土正玉衡於天極斯超世之弘圖千載之盛事然臣之所懷竊有未安以為帝王之興莫不藉地利人和以建功業貴能以義平暴因而撫之懷慙不建淪胥秦京遂令胡戎交侵神州絕綱土崩之釁誠繇道喪然中夏蕩蕩一時橫流百郡千城曾無完郭者何哉亦以地不可守投奔有所故也天祚未革中宗龍飛非

惟信順協於天人而已實賴萬里長江畫而守之耳易  
稱王公設險以守其國險之時義大矣哉斯已然之明  
效也今作勝談自當任道而遺險校實量分不得不保  
小以圖存自喪亂已來六十餘年蒼生殄滅生理茫茫  
永無依歸播流江表已經數世自元帝至哀帝凡六世存者長子  
老孫亡者丘隴成行雖北風之思感其素心目前之哀  
實為交切若遷都旋軫之日中興五陵元帝建平陵明帝武平陵成帝興平  
陵康帝崇平陵穆帝永平陵皆在江左即復緬成遐域泰山之安既難以

理保烝烝之思豈不纏於聖心哉溫今此舉誠欲大覽  
始終為國遠圖向無山陵之急亦未首決大謀獨任天  
下之至難也今發憤忘食忠慨亮到凡在有心孰不致  
感而百姓震駭同懷危懼者豈不以反舊之樂賒而趣  
死之憂促哉何者植根於江外數十年矣一朝拔之頓  
驅蹶於空荒之地提挈萬里踰險浮深離墳墓棄生養  
富者無三年之糧貧者無一餐之飯田宅不可復售舟  
車無從而得捨安樂之國適習亂之鄉出必安之地就



累卵之危將頓仆道塗飄溺江川僅有達者夫國以人  
為本疾寇所以為人衆喪而寇除亦安所取裁此仁者  
所以哀矜國家所宜深慮也自古今帝王之都豈有常  
所時隆則宅中而圖大勢屈則遵養以待會使德不可  
勝家有三年之積然後始可謀太平之事耳今天時人  
事有未至者矣一朝欲一宇宙無乃頓而難舉乎臣之  
愚計以為且可更遣一將有威名資實者先鎮洛陽於  
陵所築二壘以奉衛山陵掃平梁

梁許昌清一河南運

漕之路既通然後盡力於開墾廣田積穀漸為徙者之  
資如此賊見亡徵勢必遠竄如其迷逆不化復欲送死  
者南北諸軍風馳電赴若身手之救痛癢率然之應首  
尾率然常山蛇也擊首尾應擊  
尾首應擊中則首尾俱應山陵既固中夏小康陞

下且端委紫極增修德政躬行漢文簡樸之至去小惠  
節游費審官人練甲兵以養士減寇為先十年行之無  
使隳廢則貧者殖其財怯者充其勇人知天德赴死如  
歸以此致政猶運之掌握何故捨百勝之長理舉天下

而一擲哉陛下春秋方富溫克壯其猷君臣相與弘養  
德業括囊元吉豈不快乎今溫唱高義聖朝互同臣以  
輕微獨獻管見出言之難實在今日而臣區區必聞天  
聽者切以無諱之朝狂瞽進說芻蕘之謀聖賢所察所  
以不勝至憂觸冒干陳若陛下垂神溫少留思豈非屈  
於一人而允億兆之願哉如以干忤罪大欲加顯戮使  
丹誠上達退受刑誅雖沒泉壤尸且不朽

桓溫見綽表  
不悅曰致意

與公何不尋君遂初賦知人家國事耶事遂  
得止綽傳綽少有高尚志作遂初賦以致意

徐邈

字仙民東莞姑幕人太子前衛率驍騎將軍

與范甯書

豫章太守范甯欲遣十五議曹下屬城采求風政并吏假還訊問官長得

失邈

與書

知足下遣十五議曹各至一縣又吏假歸白所聞見誠是足下留意百姓故廣其視聽吾謂勸導以實不以文十五議曹欲何所敷宣耶庶事辭訟足下聽斷充塞則物理足矣上有理務之心則下之求理者至矣日昃省覽庶事無滯則吏慎其負而人聽不惑豈須邑至里詣

飾其游聲哉非徒不足致益乃是蠶漁之所資又不可  
縱小吏為耳目也豈有善人君子而干非其事多所告  
白者乎君子之心誰毀誰譽如有所譽必由厯試如有  
所毀必以著明託社之鼠攻之甚害自古以來欲為左  
右耳目者無非小人皆先因小忠而成其大不忠先藉  
小信而成其大不信遂使君子道消善人興尸前史所  
書可為深鑒足下選網紀必得國士足以攝諸曹諸曹  
皆是良吏則足以掌文案又擇公方之人以為監司則

清濁能否與事而明足下但平心居宗何取於耳目哉  
昔明德馬后未嘗顧與左右言可謂遠識况大丈夫而  
不能免此乎

戴逵

字安道譙國人孝武時以散騎常侍國子博士累徵不就逃於吳

放達非道論

達性高潔常以禮度自處深以放達為非乃著論

夫親沒而採藥不反者

史記太伯虞仲知古公欲立季歷以及昌乃逃如荊蠻

不

仁之子也君危而屢出近關者

孫文子欲出衛君遯伯玉從近關出後甯喜欲

復衛君伯玉

又從近關出苟免之臣也而古之人未始以彼害名教

之體者何達其旨故也達其旨故不惑其迹若元康之

人

元康惠帝年號  
時俗尚放達

可謂好遯跡而不求其本故有捐本

徇末之弊舍實逐聲之行是猶美西施而學其顰眉慕

有道而折其中角

後漢書郭有道行遇雨中  
一角墊時人乃故折一角

所以為慕

者非其所以為美徒貴貌似而已矣夫紫之亂朱以其

似朱也故鄉愿似中和所以亂德放達似達所以亂道

然竹林之為放有疾而為顰者也元康之為放無德而

折巾者也可無察乎且儒家尚譽者本以興賢也既失

其本則有色取之行懷情喪真以容貌相欺其弊必至於末偽道家去名者欲以篤實也苟失其本又有越檢之行情禮俱虧則仰詠兼忘其弊必至於本薄夫偽薄者非二本之失而為弊者必託二本以自通夫道有常經而弊無常情是以六經有失二政有弊苟乖其本固聖賢所無奈何也嗟夫行道之人自非性足體備闇蹈而當者亦曷能不棲情古烈擬規前修苟迷擬之然後動議之然後言固當先辯其趣舍之極求其用心之本



識其枉尺直尋之旨採其被褐懷玉之由若斯途雖殊  
而其歸可觀也跡雖亂而其契不乖也不然則流遞忘  
反為風波之行自驅以物自誑以偽外眩囂華內喪道  
實以矜尚掩其真主以塵詬翳其天正貽笑千載可不  
慎歟

韓延之

南陽赭陽人為平西將軍荊州刺史司馬  
休之治中轉平西府錄事參軍以劉裕父

字顯宗遂自字顯

宗示不臣劉氏

報宋公書

宋公即劉裕也時休之以平西將軍  
鎮荊州得江漢人心裕忌之會休之

子文思出後兄尚之為譙王者以事被劾休  
之表請解任不許後文思在京師招集輕俠  
裕執送休之欲使殺之休之但表廢文思與  
裕書陳謝裕滋不悅義熙十一年裕收休之  
次子文寶兄子文祖賜死率眾西討密與延  
之書曰文思事遠近所知去歲遣康之送還  
司馬君者推至公也而久絕表疏此天地所  
不容卿等一時逼迫本無纖釁吾處懷期物  
自有由來今在近路正是  
諸人來歸之日延之報書

承親率戎馬遠履西畿闔境士庶莫不惶駭何者莫知  
師出之名故也今辱來疏始知以譙王前事良增歎息  
司馬平西體國忠貞款愛待物當於古人中求耳以君

公有匡復之勲家國蒙賴推德委誠每事詢仰譙王往  
以微事見劾猶自表遜位况以大過而當默然邪但康  
之前言有所不盡故重使胡道諮白所懷道未及返已  
奏表廢之所不盡者命耳

言但未殺  
文思耳

推寄相與之懷正

當如此有何不可便興兵戈自義旗秉權以來四方方  
伯誰敢不先相諮疇而逕表天子可謂欲加之罪其無  
辭乎劉裕足下海內之人誰不見足下此心而復欲欺  
誑國士天地所不容在彼不在此矣來示言處懷期物

自有由來今伐人之君啗人以利真可謂處懷期物自有由來者矣劉藩死於閭閻之內諸葛斃於左右之手

義熙八年劉毅為荊州求從弟兗州刺史藩以自副九月藩入朝裕收藩賜死諸葛長民不為裕所容九年裕自江陵東還長民來謁伏壯士丁旰于幔中于坐拉殺之甘言詫方伯襲之以輕兵

遂使席上靡款懷之士閭外無自信諸侯以是為得算良可恥也貴府將佐及朝廷賢德寄性命以過日心企太平久矣吾誠鄙劣嘗聞道於君子以平西之至德寧可無授命之臣乎未能自投虎口比迹郗任之徒明矣

假令天長喪亂九流混濁當與臧洪游於地下不復多

言

劉裕視書歎息以示諸佐曰事人當如此兵敗從休之出奔姚興

御選古文淵鑒卷二十四